

TĀN-Í-LÍ (27)

1 Iû-tāi ông Iok-ngá-kèng chē-ūi tē-saⁿ-nî, Pa-pí-lûn ông Nî-pò·kah-nî-sat lâi kàu Iâ-lō·sat-léng, ūi lâi kong-kek i. ²Chú ēng Iû-tāi ông Iok-ngá-kèng kap Siōng-tè chhù-lāi khi-kū ê chít-hūn kau tī i ê chhiú; i chiong in toà kàu Sī-ná ê toē, jlp i ê siōng-tè ê chhù, ēng hiah ê khi-kū hē tī i ê siōng-tè ê khò·pāng-lāi. ³Ông hoan-hù thài-kàm-tiúⁿ, A-si-pí-ná, tiòh tui Í-sek-liát ê ông-chhin kap kùi-chòk ê tiong-kan toà kúi-nā lāng lâi; ⁴chiū-sī siàu-liân, bô hâ-chhū, bīn-māu súi, ū chhang-miâ tì-sek, thong-tát ták-iūⁿ ê hák-būn, bēng-pék kek-tì, kàu-giáh thang kun-sūi tī ông-kiong ê, tiòh kà-sī in Ka-lék-tí lāng ê bûn-hák kap giân-gú. ⁵Ông chiū hun-phài chiong ông só· chiah ê hó-mih kap só· lim ê chiú, múi-jit hō· in chít-hūn, poē-iúⁿ in saⁿ-nî kú; jiân-āu hō· in kun-sūi tī ông ê bīn-chēng. ⁶In tiong-kan ū Iû-tāi chòk ê lāng, Tān-í-lí, Hap-ná-nî-ngá, Bí-sa-lī, A-sat-lī-ngá. ⁷Thài-kàm-tiúⁿ ká in hō-miâ; chheng Tān-í-lí choē Pek-thē-sa-sat; chheng Hap-ná-nî-ngá choē Sa-tek-láh; chheng Bí-sa-lī choē Bí-soah; chheng A-sat-lī-ngá choē A-pek-nî-ko. ⁸Chóng-sī Tān-í-lí ljp-chì bô beh ēng ông ê hó-mih kap i só· lim ê chiú phah lâ-sâm ka-kī, só·-í kiū thài-kàm-tiúⁿ iông-ún i bián-tit phah lâ-sâm ka-kī. ⁹Siōng-tè hō· Tān-í-lí tī thài-kàm-tiúⁿ ê bīn-chēng tit-tiòh un-hūi lín-bín. ¹⁰Thài-kàm-tiúⁿ ká Tān-í-lí kóng, Goá kiaⁿ-ùi goá ê

chú, goá ê ông; i í-keng hun-phài lín ê lim-chiah; thài-thó thang hō· i khoàⁿ-kìⁿ lín ê bīn-māu khah-su lín tâng-nî ê siàu-liân lāng ah? nā án-ni, chiū hō· goá ê thau-khak oh-tit pó-choân tī ông ê bīn-chēng. ¹¹Thài-kàm-tiúⁿ ū phài chít ê kam-hō·-ê koán-lí Tān-í-lí, Hap-ná-nî-ngá, Bí-sa-lī, A-sat-lī-ngá; ¹²Tān-í-lí tui i kóng, Kiū lí chhi-khoàⁿ lí chiah ê lô·pók cháp-jit-kú, hō· goán chiah-chhài lim-chú. ¹³Jiân-āu lí thang khoàⁿ goán ê bīn-māu kap hiah ê chiah ông hó-mih ê siàu-liân lāng ê bīn-māu; chiū chiah lí só· khoàⁿ-kìⁿ ê, khoán-thai lí chiah ê lô·pók. ¹⁴Chit ê sū i ū ún-chún in, chhi in cháp-jit kú. ¹⁵Cháp-jit-āu khoàⁿ-kìⁿ in ê bīn-māu pí hiah ê chiah ông ê hó-mih ê siàu-liân lāng koh khah súi khah phauh. ¹⁶Tui án-ni kam-hō· chiū thiat--khi só· hō· in ê hó-mih só· tiòh lim ê chiú, hō· in chiah chhài. ¹⁷Chí sī ê siàu-liân lāng, Siōng-tè hō· in tī ták-iūⁿ ê bûn-jī hák-būn chhang-miâ tì-sek; Tān-í-lí koh bēng-pék ták-iūⁿ ê tīⁿ-siōng kap bāng-kìⁿ ê tiāu-thau. ¹⁸Ông só· tiāⁿ-tiòh chhoā in jlp--khi ê jlt í-keng kàu, thài-kàm-tiúⁿ chiū chhoā in jlp-khi kàu Nî-pò·kah-nî-sat ê bīn-chēng. ¹⁹Ông kap in kóng-oē, tī in chēng-lāng ê tiong-kan khoàⁿ bô chít-ê oē pí-tit Tān-í-lí, Hap-ná-nî-ngá, Bí-sa-lī, A-sat-lī-ngá; só·-í in tit-tiòh khiā tī ông ê bīn-chēng. ²⁰Ông kìⁿ ū só· mng in ê sū, chiū chai in ê tì-hūi chhang-miâ pí thong-kok ê phok-sū kap

sút-sū iāⁿ-kè chấp-pē. ²¹Tān-í-lí kàu Kó-liát-ông goān--nī iáu tī-teh.

2 Nī-pò·kah-nī-sat chē-ūi tē-jī-nī, Nī-pò·kah-nī-sat bāng-kìⁿ; sim peh-pak boē khùn-tit. ²Ông bēng-lēng tiâu phok-sū, sút-sū, sai-kong, kap Ka-lék-tí lāng lāi, ài in ēng ông ê bāng kā i kóng. In chiū lāi, khiā tī ông ê bīn-chēng. ³Ông kā in kóng, Goá ū bāng-kìⁿ chít ê bāng, goá ê sim peh-pak, ài beh chai hit ê bāng sī sīm-mih. ⁴Ka-lék-tí lāng ēng A-lān ê khiūⁿ-kháu tui ông kóng, Goān ông bān-soē; chhiáⁿ chiong hit ê bāng kā lí chiaⁿ ê lô·pók kóng, goán chiū beh koé-bēng. ⁵Ông in Ka-lék-tí lāng kóng, Hit ê sū goá í-keng boē-kì-tit lah; lín nā bô chiong goá só· bāng-kìⁿ kóng hō· goá thiaⁿ, soà koé-bēng i, chiū beh chiong lín ê bah koah chhui-chhui, iā lín ê chhui beh choè pùn-sò-tui. ⁶Chóng-sī lín nā chiong goá só· bāng-kìⁿ kā goá kóng, soà koé-bēng i, lín beh tui goá tit-tiòh chēng-phín, pò-siúⁿ, toā ēng-kng; taⁿ lín tiòh chiong goá só· bāng-kìⁿ kóng hō· goá thiaⁿ, soà koé-bēng i. ⁷In tē-jī-pái koh tui ông kóng, Chhiáⁿ ông chiong só· bāng-kìⁿ-ê kā chiaⁿ ê lô·pók kóng, goán chiū beh koé-bēng i. ⁸Ông in kóng, Goá chún-chún chai lín sī kò·-ì iān-chhiān, in-ūi lín chai hit ê bāng goá í-keng boē-kì-tit lah. ⁹Lín nā bô chiong goá só· bāng-kìⁿ kā goá kóng, chí-ū chít-hoat thang khoán-thāi lín; in-ūi lín í-keng ū pī-pān hong-giān loān-gú tui goá kóng, teh theng-hāu sī-sè ê kái-piàn; taⁿ lín tiòh chiong só· bāng-kìⁿ kā goá kóng, goá chiū chai lín oē koé-bēng i. ¹⁰Ka-lék-tí lāng tī ông ê bīn-chēng in kóng, Ông chit hō sū, toē-chiūⁿ bô lāng oē kóng-chhut; in-ūi bē-bat ū kun-ông, tãi-sin, chiáng-koān-ê kah phok-sū, á-sī sút-sū, á-sī Ka-lék-tí lāng tiòh án-ni choè. ¹¹Ông só· mng--ê sī hi-kí ê sū; tū-khì

bô kap sè-kan lāng tâng khiā-khí ê sin-bēng í-goā, bô chít-ê oē tī ông ê bīn-chēng kóng-chhut. ¹²Ông siū-khì, siū-khì kàu-kék, bēng-lēng châu-biát Pa-pí-lūn it-chhè tì-hui ê lāng. ¹³Tui án-ni chhut bēng-lēng beh thāi tì-hui ê lāng; chiū chhē Tān-í-lí kap i ê tâng-phoāⁿ beh thāi in. ¹⁴Ông ê sī-oē-tiúⁿ, A-liók, chhut-lāi beh thāi Pa-pí-lūn tì-hui ê lāng, Tān-í-lí ēng cheng-thong tì-hui ê oē in i; chiū tui ông ê sī-oē-tiúⁿ, A-liók, kóng, Ông só· chhut ê bēng-lēng cháiⁿ-iūⁿ kàu chiaⁿ kín-kip ah? A-liók chiū chiong chit ê tãi-chì kā Tān-í-lí kóng. ¹⁶Tān-í-lí chiū jlp--khì, kiū ông khoan-ān, chiū beh chiong bāng kā ông koé-bēng.

¹⁷Tān-í-lí tò-khì i ê chhui, chiong chit ê sū kā i tâng-phoāⁿ Hap-ná-ni-ngá, Bí-sa-lī, A-sat-lī-ngá kóng, ¹⁸ài in ūi-tiòh chit ê pì-bit ê sū kí-kiū thiⁿ-tég ê Siōng-tè lín-bín, bián-tit Tān-í-lí kap i ê tâng-phoāⁿ kap Pa-pí-lūn kí-ū tì-hui ê lāng saⁿ-kap biát-bô. ¹⁹Chit ê pì-bit ê sū chiū tī mī--sī iⁿ-siōng-tiong tui Tān-í-lí hián-bēng. Tān-í-lí chiū o-ló thiⁿ-tég ê Siōng-tè. ²⁰Tān-í-lí kóng, Siōng-tè ê miā eng-kai siū o-ló kàu éng-oán; in-ūi tì-hui koān-lēng lóng siók tī I. ²¹I piàn-oāⁿ sī-kí choeh-kùi; I hoè-bô ông, siat-lip ông; chiong tì-hui hō· tì-hui ê lāng, chiong kiàn-sek hō· chhong-bēng ê lāng. ²²I chí-sī chhim-ò pì-bit ê sū; àm-tiong só·-ū-ê I lóng chai, kng iā kap I saⁿ-kap toà. ²³Goá ê liát-chó· ê Siōng-tè ah, goá kám-siā Lí o-ló Lí, in-ūi Lí siúⁿ-sù goá tì-hui chài-lēng, taⁿ ēng goán tui Lí só·-kiū-ê í-keng chí-sī goá; in-ūi Lí ū ēng ông ê sū chí-sī goán. ²⁴Tui hit-tiáp Tān-í-lí jlp--khì kìⁿ A-liók, chiū-sī ông só· phải châu-biát Pa-pí-lūn hiah ê tì-hui ê lāng ê; i khiā kā i kóng, Bôh-tit châu-biát Pa-pí-lūn hiah ê tì-hui ê lāng; chhoā goá kàu ông ê bīn-chēng, goá beh chiong bāng kā ông koé-

bêng.

²⁵A-liók chek-sî chhoā Tān-í-lí kàu ông ê bīn-chêng, tùi i kóng, Goá tī Iū-tāi siū-liáh ê lāng ê tiong-kan tú-tiòh chit-lāng, i oē chiong bāng kā ông koé-bêng, ²⁰Ông tùi chheng-choē Pek-thê-sa-sat ê Tān-í-lí kóng, Lí oē chiong goá só· khoàⁿ-kìⁿ ê bāng kā goá kóng, soà kā goá koé-bêng mah? ²⁷Tān-í-lí tī ông ê bīn-chêng ìn kóng, Ông só· m̄ng ê pì-bít, tì-hūi ê lāng, sùt-sū, phok-sū, pok-koà-ê, lóng boē kā ông chí-bêng; chóng-sī thiⁿ-tég ũ chit ũi Siōng-tè oē hián-bêng pì-bít ê sū; taⁿ ēng āu-jit teh-beh ũ ê sū ũ chí-sī Nī-pò-kah-nī-sat ông. Lí só· bāng-kìⁿ-ê kap lí tī chhng-nih só· siūⁿ ê īⁿ-siōng sī án-ni: ²⁹ông ah, lí tī chhng-nih siūⁿ kàu chiong-lái ê sū; hit-ūi hián-bêng pì-bít ê sū-ê ēng chiong-lái só· beh ũ ê sū chí-sī lí. ³⁰Lūn-kàu goá, hit ê pì-bít ê sū hián-bêng tī goá, m̄-sī ũi-tiòh goá ũ tì-hūi iāⁿ-kè it-chhè oáh-teh ê lāng, chiū-sī tiâu-tī beh koé-bêng hō· ông chai, koh hō· lí chai lí ê sim ê liām-thâu. ³¹Ông ah, lí teh khoàⁿ, chiū khoàⁿ-kìⁿ ũ chit sian toā-siōng; chit ê siōng chin koāⁿ, kék-kí chhàn-lān, khiā tī lí ê bīn-chêng; i ê hêng-chōng chin thang kiaⁿ. ³²Chit ê siōng, i ê thâu-khak sī hó-kim-ê, i ê heng-háh kap chhiú-kut sī gūn-ê, pak-tó· kap toā-thúi sī tâng-ê; ³³i ê kha-tâng sī thih-ê, i ê kha-poāⁿ chit-poāⁿ thih, chit-poāⁿ thô· ê. ³⁴Lí teh khoàⁿ kàu ũ chit tè chiòh phah--chhut-lái, m̄-sī ēng chhiú phah-ê, kòng-tiòh hit sian siōng thih kap thô· ê kha-poāⁿ, lái phah-phoà in. ³⁵Tùi án-ni hit ê thih, thô·, tâng, gūn, kim choē chit-ē phah chhui-chhui, pìⁿ-choē hē-thiⁿ gō·kak-tiūⁿ ê chho·khng, hō· hong chhe-soàⁿ, bô koh ũ in ê ũi-chhui; koh chit ê kòng-tiòh siōng ê chiòh pìⁿ-chiāⁿ toā-soaⁿ, chhiong-moá choân-toē. ³⁶Che chiū-sī hit ê

bāng; goán taⁿ beh tī ông ê bīn-chêng koé-bêng i. ³⁷Ông ah, lí sī liát-ông ê ông, thiⁿ-tég ê Siōng-tè í-keng chiong kok-tō·, koân-pèng, lêng-lék, êng-kng siúⁿ-sù lí; ³⁸kìⁿ-nā sè-kan lāng khiā-khi^h ê só·chāi, liān soaⁿ-iá ê cháu-siū, khong-tiong ê pe-chiáu, I lóng kau-hù lí ê chhiú. hō· lí chiáng-koán chia-ê it-chhè; lí chiū-sī hit ê kim ê thâu-khak. ³⁹Lí í-āu beh koh heng-khi^h chit-kok m̄-tát-tiòh lí; koh ũ tē-saⁿ kok, chiū-sī tâng--ê, beh chiáng-koán thiⁿ-ē. ⁴⁰Tē-si kok beh kian-tēng chhin-chhiūⁿ thih; thih oē phah-phoà bān-mih hō· i hāng-hók; koh chhin-chhiūⁿ thih teh-chhui it-chhè, i iā beh phah-phoà liát-kok teh-chhui in. ⁴¹Lí iā khoàⁿ-kìⁿ i ê kha-poāⁿ kap kha-chng-thâu-á chit-poāⁿ sī sio-hui ê thô· chit-poāⁿ sī thih, hit ê kok iā beh pun-khui; chóng-sī lí khoàⁿ-kìⁿ thih kap noā-thô· saⁿ-chham, chit ê kok iā beh ũ thih ê lát. ⁴²Hiah ê kha-chng-thâu-á kī-jian chit-poāⁿ sī thih chit-poāⁿ sī thô·, án-ni hit ê kok beh chit-poāⁿ kiōng, chit-poāⁿ jiók. ⁴³Lí kī-jian khoàⁿ-kìⁿ thih kap noā-thô· saⁿ-chham, in beh kap lāng ê chióng-chók saⁿ-chham; chóng-sī jī-pí boē saⁿ-háp, chhin-chhiūⁿ thih kap thô· boē saⁿ-chham--tit. ⁴⁴Tng hiah ê liát-ông ê jit, thiⁿ-tég ê Siōng-tè beh siat-lip chit-kok, éng-oán boē hoē-bô, i ê koân-pèng boē-oē kui tī pát-kok; chóng-sī i beh hui-hoai hiah ê kok lái biát i; ka-kī beh éng-oán khiā-chāi. ⁴⁵Lí kī-jian khoàⁿ-kìⁿ ũ chiòh tui soaⁿ--nih phah--chhut-lái, m̄-sī ēng chhiú phah-ê, lái phah-phoà hit ê thih, tâng, thô·, gūn, kim; chiū-sī chì-toā ê Siōng-tè ēng chiong-lái beh ũ ê tãi-chi chí-sī ông; hit ê bāng sī chin, hit ê koé-bêng sī khak-sit. ⁴⁶Tng-sī Nī-pò-kah-nī-sat ông phak tī toē--nih, pài Tān-í-lí; bēng-lēng ēng lé-mih phang-liáu hián hō· i. ⁴⁷Ông ìn Tān-í-lí tui

i kóng, Lí í-keng oē hián-bêng chit ê pì-bit ê sū, lín ê Siōng-tè chin-chiàⁿ sī chia^h ê siōng-tè ê Siōng-tè, chia^h ê ông ê Chú, koh sī hián-bêng hiah ê pì-bit-ê. ⁴⁸Tùi hit-tiáp ông ko-seng Tân-í-lí, siūⁿ-sù i choē-choē siōng-phín ê lé-mih, phài i koán-lí Pa-pí-lún choân-séng; koh choē chóng-lí lāi chiáng-koán Pa-pí-lún it-chhè tì-hūi ê lāng. ⁴⁹Tân-í-lí kiū ông, ông chiū phài Sa-tek-lāh, Bí-soah, A-pek-nî-ko koán-lí Pa-pí-lún séng ê sū-bū; tók-tók Tân-í-lí kun-sūi tī iām-jíat.

3 Nî-pò·kah-nî-sat ông chō kim-siōng, koāiⁿ lāk-cháp tiú, khoah lāk tiú; chhāi tī Pa-pí-lún séng, Tō·lāh ê pīⁿ-iūⁿ. ²Nî-pò·kah-nî-sat ông tiâu-chíp chia^h ê chóng-tok, khim-chhe, sūn-bú, àn-chhat-si, pò·chèng-si, bô·sū, hoat-koaⁿ, kap kok-séng ê koaⁿ-oân lāi hū Nî-pò·kah-nî-sat ông só·líp ê siōng, kiāⁿ tiám-gán ê lé. ³Tùi án-ni hiah ê chóng-tok, khim-chhe, sūn-bú, àn-chhat-si, pò·chèng-si, bô·sū, hoat-koaⁿ, kap kok-séng ê koaⁿ-oân lóng chū-chíp, ūi-tiōh Nî-pò·kah-nî-sat só·líp ê siōng, kiāⁿ tiám-gán ê lé; chiū khiā tī Nî-pò·kah-nî-sat só·líp ê siōng ê thâu-chêng. ⁴Hit-sī thoân bēng-lēng--ê toā-siaⁿ kiò kóng, Lín chia^h ê peh-siⁿ, chia^h ê kok, chia^h ê khiuⁿ-kháu ê lāng ah, ū bēng-lēng thoân hō·lín, ⁵lín chit-ē thiaⁿ-kìⁿ sàu-kak, tát-á, pī-pê, khim, sek, seng, kap ták-iūⁿ gāk-khì ê siaⁿ, chiū tiōh phak-lōh kèng-pài Nî-pò·kah-nî-sat ông só·líp ê kim-siōng; kìⁿ-nā bô phak-lōh kèng-pài-ê beh chek-sī hiat-lōh tī iām-jíat ê hé-lô. ⁷In-ūi án-ni chêng peh-siⁿ chit-ē thiaⁿ-kìⁿ sàu-kak, tát-á, pī-pê, khim, sek, kap ták-iūⁿ gāk-khì ê siaⁿ, chiū chia^h ê peh-siⁿ, chia^h ê kok, chia^h ê khiuⁿ-kháu ê lāng lóng phak-lōh kèng-pài Nî-pò·kah-nî-sat ông só·líp ê kim-siōng. ⁸Hit-sī ū kúi-nā ê Ka-lèk-tí lāng chìn-chêng lāi kò Iū-

tāi lāng. ⁹In tùi Nî-pò·kah-nî-sat ông kóng, Goān ông bān-soè. ¹⁰Ông ah, lí bat chhut-lēng kóng kìⁿ-nā lāng thiaⁿ-kìⁿ sàu-kak, tát-á, pī-pê, khim, sek, seng, kap ták-iūⁿ gāk-khì ê siaⁿ, lóng tiōh phak-lōh kèng-pài kim-siōng; ¹¹kìⁿ-nā bô phak-lōh kèng-pài-ê beh hiat-lōh tī iām-jíat ê hé-lô. ¹²Taⁿ ū kúi-nā ê Iū-tāi lāng, chiū-sī lí só·phài koán-lí Pa-pí-lún séng ê sū-bū ê, Sa-tek-lāh, Bí-soah, A-pek-nî-ko; ông ah, chia^h ê lāng bô iàu-kín lí ê oē, m̄ hók-sāi lí chia^h ê siōng-tè, iā m̄ kèng-pài lí só·líp ê kim-siōng. ¹³Hit-sī Nî-pò·kah-nî-sat toā siū-khì kàu-kék, bēng-lēng chiong Sa-tek-lāh, Bí-soah, A-pek-nî-ko toā--lāi. In chiū chiong chia^h ê lāng toā kàu ông ê bīn-chêng. ¹⁴Nî-pò·kah-nî-sat m̄ng in kóng, Sa-tek-lāh, Bí-soah, A-pek-nî-ko, lín bô hók-sāi goá chia^h ê siōng-tè, iā bô kèng-pài goá só·líp ê kim-siōng sī tiâu-kò-ì mah? ¹⁵Taⁿ lín koh thiaⁿ-kìⁿ sàu-kak, tát-á, pī-pê, khim, sek, seng, kap ták-iūⁿ gāk-khì ê siaⁿ, nā piān-piān phak-lōh kèng-pài goá só·chō ê siōng chiū hó; chóng-sī lín nā m̄ kèng-pài, beh chek-sī hiat lín lōh iām-jíat ê hé-lô; ū sím-mih siōng-tè beh kiū lín thoat-lī goá ê chhiú ah? ¹⁶Sa-tek-lāh, Bí-soah, A-pek-nî-ko in ông kóng, Nî-pò·kah-nî-sat ah, chit ê sū goán m̄-bián in lí. ¹⁷Kó-jiân án-ni, goán só·hók-sāi ê Siōng-tè oē kiū goán chhut iām-jíat ê hé-lô; ông ah, I iā beh kiū goán thoat-lī lí ê chhiú. ¹⁸Nā bô án-ni, ông ah, lí tiōh chai goán koat-toàn bô beh hók-sāi lí chia^h ê siōng-tè, iā bô beh kèng-pài lí só·líp ê kim-siōng. ¹⁹Hit-sī, Nî-pò·kah-nî-sat moá-sim siū-khì, tùi Sa-tek-lāh, Bí-soah, A-pek-nî-ko pīⁿ-bīn, bēng-lēng lāng khí hé-lô·pí pēng-siōng chhit-pē khah jiát. ²⁰Iā bēng-lēng kun-tūi-tiong íong-béng-ê kúi-nā lāng pāk Sa-tek-lāh, Bí-soah, A-pek-nî-ko, hiat tī iām-jíat

ê hé-lô. ²¹In hiah ê lâng siū pák, iū-goân chhēng khò, phàu, kap lāi-saⁿ, kap kî-û ê saⁿ, hiat tī iām-jiát ê hé-lô. ²²In-ūi ông ê bēng-lēng chin kín-kip, hé-lô koh chin jiát, hiah ê liáh Sa-tek-láh, Bí-soah, A-pek-nî-ko ê lâng lóng hō hé-chhih sio-sí. ²³Sa-tek-láh, Bí-soah, A-pek-nî-ko, hí saⁿ ê lâng lóng siū-pák, tui-lòh tī iām-jiát ê hé-lô. ²⁴Hit-sí Nî-pò-kah-nî-sat ông gông-ngiáh, kín-kín khí-lái, tui i ê bô-sū kóng, Lán kiám-m̄-sī pák saⁿ-lâng hiat tī hé-nih mah? In in ông kóng, Ông ah, sī ah. ²⁵Ông kóng, Khoàⁿ ah, goá khoàⁿ-kìⁿ ū sī ê lâng, pēng bô siū-pák, kiáⁿ tī hé-tiong, iā bô siū-siong; hit ê tē-si-ê ê iông-māu sī chhin-chhiūⁿ siōng-tè ê kiáⁿ. ²⁶Tui hit-tiáp Nî-pò-kah-nî-sat kiáⁿ kūn iām-jiát ê hé-lô-kháu; kiò kóng, Chì-koàiⁿ ê Siōng-tè ê lô-pók, Sa-tek-láh, Bí-soah, A-pek-nî-ko, chhut-lái, lái kàu chia. Sa-tek-láh, Bí-soah, A-pek-nî-ko chiū tui hé-tiong chhut-lái. ²⁷Hiah ê chóng-tok, khim-chhe, sūn-bú, kap ông ê bô-sū saⁿ-kap chū-chíp, khoàⁿ-kìⁿ hit saⁿ-lâng, hé bô lát thang hāi in ê seng-khu, in ê thâu-m̄ng iā bô sio--tiòh, saⁿ-khò bô piàn-oāⁿ, in iā lóng bô chhàu-hé-bī. ²⁸Nî-pò-kah-nî-sat kóng, Sa-tek-láh, Bí-soah, A-pek-nî-ko ê Siōng-tè sī eng-kai o-ló ê, in-ūi I chhe I ê sù-chiá chín-kiù hiah ê oá-khò I ê lô-pók, in hoán-tui ông ê bēng-lēng, pàng-sak ka-kī ê seng-khu, tī in ka-kī ê Siōng-tè í-goā m̄-khéng hók-sāi keng-pài pát ê siōng-tè. ²⁹Só-í goá chhut-lēng, chiaⁿ ê peh-siⁿ, chiaⁿ ê kok, chiaⁿ ê khiuⁿ-kháu ê lâng, kìⁿ-nā ēng oē siat-tók Sa-tek-láh, Bí-soah, A-pek-nî-ko ê Siōng-tè, beh chiong in ê bah koah chhui-chhui, in ê chhui beh choē pùn-sò-tui; in-ūi bô pát ê siōng-tè oē kiù lâng chhin-chhiūⁿ án-ni. ³⁰Hit-sí ông tī Pa-pí-lún séng ko-seng Sa-tek-láh, Bí-soah, A-pek-nî-

ko.

⁴Nî-pò-kah-nî-sat ông pan-chiàu hō thiⁿ-ē chiaⁿ ê peh-siⁿ, chiaⁿ ê kok, chiaⁿ ê khiuⁿ-kháu ê lâng kóng, Goān lín toā híong-siū pēng-an. ²Chì-koàiⁿ ê Siōng-tè só-kiáⁿ tī goá ê sîn-jiah kî-sū, goá hoaⁿ-hí soan-pò. ³Toā ah, I ê sîn-jiah! hong-sēng ah, I ê kî-sū! I ê kok sī éng-oán ê kok, I ê koan-pēng kàu tui-tui.

⁴Goá Nî-pò-kah-nî-sat tī goá ê chhui, an-jian khiā-khi tī goá ê ông-kiong ian-lók. ⁵Goá bāng-kìⁿ chit ê bāng hō goá kiaⁿ-hiāⁿ; goá tī bîn-chhiūⁿ-nih ê su-sióng kap sim-lāi ê iⁿ-siōng hō goá peh-pak. ⁶Só-í goá chhut-lēng tiau Pa-pí-lún it-chhè tì-hui ê lâng kàu goá ê bîn-chēng, kah in koé-bēng hit ê bāng hō goá chai. ⁷Tui án-ni hiah ê phok-sū, sūt-sū, Ka-lék-tí lâng, chiam-pok-ê lóng jip--lái; goá chiong hit ê bāng tng-bîn kā in kóng; chóng-sī in bô koé-bēng hō goá chai. ⁸Lō-bé ū Tân-í-lí, chiàu goá ê siōng-tè ê miā chheng-choē Pek-thē-sa-sat ê, kàu goá ê bîn-chēng, i ê sim-lāi ū chiaⁿ ê sēng ê siōng-tè ê sîn; goá ēng bāng kā i kóng, Phok-sū-tiúⁿ, Pek-the-sa-sat ah, in-ūi goá chai lí ê sim-lāi ū chiaⁿ ê sēng ê siōng-tè ê sîn, bô chit-hāng pì-bít ê sū hō lí ui-lân, taⁿ tiòh chiong goá bāng-tiong só-kióⁿ-kìⁿ ê iⁿ-siōng kap i ê koé-bēng lái kā goá kóng. ¹⁰Goá tī chhiūⁿ-nih sim-lāi ê iⁿ-siōng sī chiaⁿ-ê; goá teh khoàⁿ, khoàⁿ-kìⁿ toē ê tiong-kan ū chit chāng chhiūⁿ kék-kì koàiⁿ. ¹¹Hit chāng chhiūⁿ chiām-chiām toā koh kian-kò, koàiⁿ kàu tú-thiⁿ, toē ê kék-thau iā oē khoàⁿ-kìⁿ. ¹²I ê hiòh bô-sēng, ké-chí chin-choē, hit lai-bîn ū chiòng-seng ê chiaⁿ-mih; chhân-iaⁿ ê cháu-siū toà tī i ê im-ńg, khong-tiong ê pe-chiáu hioh tī i ê kî, kìⁿ-ū hiat-khì-ê tui i tit-tiòh chiaⁿ. ¹³Goá tī bîn-chhiūⁿ, tī goá sim-lāi ê iⁿ-siōng, khoàⁿ-kìⁿ ū chit ê siú-bāng,

koh sī sèng--ê, tùi thiⁿ lóh--lâi. ¹⁴Toā-siaⁿ kiò kóng, Chhò hit châng chhiū, khám i ê ki, iō-lak i ê hiòh, phah-soàⁿ i ê ké-chí, hō· cháu-siū lī-khui i ê ē-bīn, hō· pe-chiáu lī-khui i ê ki. ¹⁵Chóng-sī tiòh lâu i ê kun-thâu tī toē--nih, ēng thih kap tâng ê khoân pák i, tī chhân--nih sin-hoat ê chháu-tiong; ēng thiⁿ ê lō·-chúi sip-tâm i, iā hō· i kap cháu-siū ū hūn, lèk-kè chhit ê sī-kī; ²⁴ōng ah, hit ê koé-bêng sī án-ni, koh Chì-koàiⁿ-ê ê bêng-lêng beh kàu goá ê ông, goá ê chú, iā sī án-ni; ²⁵lí beh siū koáⁿ-chhut lī-khui lêng, kap chhân-iá ê cháu-siū saⁿ-kap khiā-khí, iā beh hō· lí chiáh-chháu chhin-chhiūⁿ gū, hō· thiⁿ ê lō·-chúi sip-tâm, iā beh lèk-kè chhit ê sī-kī, kàu lí chai Chì-koàiⁿ-ê chiáng-koán lêng ê kok, iā chiàu ka-kī ê ì-sù ēng kok siūⁿ-sù lêng. ²⁶In kì-jiân hoan-hù chhiū ê kun-thâu tiòh lâu--teh; kàu lí chai chiah ê thiⁿ teh chiáng-koân ê sī, chiū lí ê kok pit-tiāⁿ koh kui tī lí. ²⁷Ông ah, taⁿ kiū lí hoaⁿ-hí chiap-láp goá ê khó·-khèng, ēng kiāⁿ kong-gī lâi toān-choát lí ê choē-koà, ēng lín-bín sòng-hiong lêng lâi tū-khì lí ê kè-sit; kiám-chhái lí ê pêng-an oē kú-tng. ²⁸Chiah ê sū lóng èng-giām tī Nî-pò·kah-nî-sat ông. ²⁹Kàu chấp-jī gèh moá, i kiāⁿ-iū tī Pa-pí-lún ê ông-kiong. ³⁰Ông kóng, Che kiám-m̄-sī toā ê Pa-pí-lún, goá ēng goá toā-lát ê koân, iā ūi-tiòh goá ê ui-giām ê èng-kng lâi khí-ê, choè pún-kok ê kiong-tiān mah? ³¹Chit ê oē iáu-kú tī ông ê chhui ê sī, ū siaⁿ tùi thiⁿ lóh--lâi, kóng, Nî-pò·kah-nî-sat ông ah, ū oē ká lí kóng, kok-ūi í-keng lī-khui lí lah. ³²Lí beh siū koáⁿ-chhut lī-khui lêng, kap chhân-iá ê cháu-siū saⁿ-kap khiā-khí, iā beh hō· lí chiáh-chháu chhin-chhiūⁿ gū, iā beh lèk-kè chhit ê sī-kī, kàu lí chai Chì-koàiⁿ-ê chiáng-koán lêng ê kok, iā chiàu ka-kī ê ì-sù ēng kok siūⁿ-sù lêng. ³³Chiū hit-sī tãi-chì èng-giām tī Nî-pò·kah-nî-sat; i siū koáⁿ-chhut lī-khui lêng, chiáh-chháu chhin-chhiūⁿ gū, seng-khu hō· thiⁿ ê lō·-chúi sip-tâm, kàu i ê m̄ng hoat

koh sī sèng--ê, tùi thiⁿ lóh--lâi. ¹⁴Toā-siaⁿ kiò kóng, Chhò hit châng chhiū, khám i ê ki, iō-lak i ê hiòh, phah-soàⁿ i ê ké-chí, hō· cháu-siū lī-khui i ê ē-bīn, hō· pe-chiáu lī-khui i ê ki. ¹⁵Chóng-sī tiòh lâu i ê kun-thâu tī toē--nih, ēng thih kap tâng ê khoân pák i, tī chhân--nih sin-hoat ê chháu-tiong; ēng thiⁿ ê lō·-chúi sip-tâm i, iā hō· i kap cháu-siū ū hūn, lèk-kè chhit ê sī-kī. ¹⁷Che sī chiah ê siú-bāng-ê só· tiāⁿ-tiòh ê bêng, chiah ê sèng-ê só· chhut ê lêng; hō· chiòng-seng chai, Chì-koàiⁿ-ê chiáng-koán lêng ê kok, iā chiàu ka-kī ê ì-sù ēng kok siūⁿ-sù lêng, iā ēng chì-bī-soè ê lêng siat-líp choè chú. ¹⁸Che sī goá Nî-pò·kah-nî-sat ông só· khoàⁿ-kìⁿ ê bāng; Pek-thê-sa-sat ah, lí tiòh koé-bêng i, in-ūi goá kok-lâi it-chhè tì-hūi ê lêng lóng boē-oē koé-bêng hō· goá chai; chí-ū lí oē, in-ūi lín sim-lâi ū hiah ê sèng ê siōng-tè ê sîn.

¹⁹Hit-sī chheng-choè Pek-thê-sa-sat ê Tân-í-lí gông-ngiáh ū hiah-kú, sim-lâi pek-pak. Ông tùi i kóng, Pek-thê-sa-sat ah, m̄-bián ūi-tiòh hit ê bāng kap i ê koé-bêng lâi peh-pak. Pek-thê-sa-sat chiū in kóng, Goān hit ê bāng kui tī oàn-hūn lí ê, hit ê koé-bêng kui tī lí ê tùi-ték. ²⁰Lí só· khoàⁿ-kìⁿ ê chhiū, chiām-chiām toā koh kian-kò·, koàiⁿ kàu tú-thiⁿ, toē ê kék-thâu iā oē khoàⁿ-kìⁿ, ²¹i ê hiòh bō·-seng, i ê ké-chí chin-choē, hit lâi-bīn ū chiòng-seng ê chiáh-mih, chhân-iá ê cháu-siū toà tī i ê ē-bīn, khong-tiong ê pe-chiáu hiòh tī i ê ki; ²²ông ah, chit châng chhiū chiū-sī lí, lí chiām-chiām toā koh kian-kò·; lí ê kiōng-toā chiām-chiām chìn-pō· kàu tú-thiⁿ, lí ê koân-pèng kàu tī toē-kék. ²³Ông kì-jiân khoàⁿ-kìⁿ ū chit ê siú-bāng koh sī sèng--ê, tùi thiⁿ lóh--lâi, kóng, Tiòh chhò hit

châng chhiū lâi húi-hoài i; chóng-sī tiòh lâu i ê kun-thâu tī toē--mih, ēng thih kap tâng ê khoân pák i tī chhân--nih sin-hoat ê chháu-tiong; ēng thiⁿ ê lō·-chúi sip-tâm i, iā hō· i kap cháu-siū ū hūn, lèk-kè chhit ê sī-kī; ²⁴ōng ah, hit ê koé-bêng sī án-ni, koh Chì-koàiⁿ-ê ê bêng-lêng beh kàu goá ê ông, goá ê chú, iā sī án-ni; ²⁵lí beh siū koáⁿ-chhut lī-khui lêng, kap chhân-iá ê cháu-siū saⁿ-kap khiā-khí, iā beh hō· lí chiáh-chháu chhin-chhiūⁿ gū, hō· thiⁿ ê lō·-chúi sip-tâm, iā beh lèk-kè chhit ê sī-kī, kàu lí chai Chì-koàiⁿ-ê chiáng-koán lêng ê kok, iā chiàu ka-kī ê ì-sù ēng kok siūⁿ-sù lêng. ²⁶In kì-jiân hoan-hù chhiū ê kun-thâu tiòh lâu--teh; kàu lí chai chiah ê thiⁿ teh chiáng-koân ê sī, chiū lí ê kok pit-tiāⁿ koh kui tī lí. ²⁷Ông ah, taⁿ kiū lí hoaⁿ-hí chiap-láp goá ê khó·-khèng, ēng kiāⁿ kong-gī lâi toān-choát lí ê choē-koà, ēng lín-bín sòng-hiong lêng lâi tū-khì lí ê kè-sit; kiám-chhái lí ê pêng-an oē kú-tng. ²⁸Chiah ê sū lóng èng-giām tī Nî-pò·kah-nî-sat ông. ²⁹Kàu chấp-jī gèh moá, i kiāⁿ-iū tī Pa-pí-lún ê ông-kiong. ³⁰Ông kóng, Che kiám-m̄-sī toā ê Pa-pí-lún, goá ēng goá toā-lát ê koân, iā ūi-tiòh goá ê ui-giām ê èng-kng lâi khí-ê, choè pún-kok ê kiong-tiān mah? ³¹Chit ê oē iáu-kú tī ông ê chhui ê sī, ū siaⁿ tùi thiⁿ lóh--lâi, kóng, Nî-pò·kah-nî-sat ông ah, ū oē ká lí kóng, kok-ūi í-keng lī-khui lí lah. ³²Lí beh siū koáⁿ-chhut lī-khui lêng, kap chhân-iá ê cháu-siū saⁿ-kap khiā-khí, iā beh hō· lí chiáh-chháu chhin-chhiūⁿ gū, iā beh lèk-kè chhit ê sī-kī, kàu lí chai Chì-koàiⁿ-ê chiáng-koán lêng ê kok, iā chiàu ka-kī ê ì-sù ēng kok siūⁿ-sù lêng. ³³Chiū hit-sī tãi-chì èng-giām tī Nî-pò·kah-nî-sat; i siū koáⁿ-chhut lī-khui lêng, chiáh-chháu chhin-chhiūⁿ gū, seng-khu hō· thiⁿ ê lō·-chúi sip-tâm, kàu i ê m̄ng hoat

chhin-chhiūⁿ eng-chiáu ê m̄ng, i ê chng-kah tng chhin-chhiūⁿ chiáu ê jiáu. ³⁴Hiah ê sī-jit í-keng moá, goá Nî-pò·kah-nî-sat kiáh-bák òng-thiⁿ, goá ê lêng-sèng chiū koh hók-tò, goá chiū chiok-siā Chì-koàiⁿ-ê, o-ló chun-êng Òng-oáh-ê; in-ūi I ê koân sī éng-oán ê koân, I ê kok kàu tãi-tãi. ³⁵Toē-chiūⁿ khiā-khí ê peh-siⁿ I khoàⁿ-choè bô; tī thiⁿ--nih ê kun-tūi kap toē-chiūⁿ khiā-khí ê peh-siⁿ-tiong, I lóng chiàu ka-kī ê ì-sù kiāⁿ tãi-chì; bô lêng oē chók-tòng I ê chhiú, á-sī m̄ng I kóng, Lí choè sím-mih ah? ³⁶Hit-sī goá ê lêng-sèng koh hók-tò, goá ê ui-giām êng-iāu koh kui tī goá, choè goá ê kok ê êng-kng; goá ê bô·sū kap tãi-sin iā lâi tiâu-kìⁿ goá; goá ê kok-ūi koh kian-kò, toā koân-pèng koh ke-thiⁿ tī goá. ³⁷Taⁿ goá Nî-pò·kah-nî-sat o-ló chun-kèng chheng-ho·thiⁿ-tég ê Òng; in-ūi I só·choè--ê lóng chin-sit, I só·kiāⁿ--ê lóng kong-pèng; hiah ê kiāⁿ tī kiau-ngō--ê I oē kā in kàng-kē.

5 Pek-sa-sat ông siat toā iân-siáh, chhiáⁿ i ê tãi-sin chit-chheng lêng; tī hit chit-chheng lêng ê bīn-chêng lim-chiú. Pek-sa-sat khi-thâu lim chiú ê sī, hoan-hù lêng chiong i ê lâu-pē Nî-pò·kah-nî-sat tui Iâ-lō·sat-léng ê tiān-lāi só·chhiúⁿ kim gūn ê khi-kū thêh-lâi; hō· ông kap i ê tãi-sin í-kip i ê hō·hui thang ēng chia-hê lim-chiú. ³In chiū chiong só·chhiúⁿ Iâ-lō·sat-léng Siōng-tè ê chhù tiān-lāi kim ê khi-kū thêh-lâi; ông kap tãi-sin kap hō·hui ēng i lâi lim. ⁴In lim-chiú, o-ló in kim, gūn, tâng, thih, chhâ, chiòh ê siōng-tè. ⁵Tng hit-sī ū lêng ê chhiú chng-thâu á chhut-hiān, siá-jī tī ông-kiong ê hún-piah, teng-tai saⁿ-túi ê só·chāi; ông khoàⁿ-kìⁿ siá-jī ê chhiú. ⁵Ông ê bīn chiū sit-sek, sim-lāi peh-pak, io-kut lút-lún, kha-thâu-u saⁿ-kháp. ⁷Ông toā-siaⁿ bēng-lēng tiâu hiah ê sūt-sū,

Ka-lék-tí lêng, chiam-pok-ê lóng jip-lâi. Ông tui Pa-pí-lún tì-hui ê lêng kóng, Khoàⁿ sím-mih lêng oē thak chit ê bûn-jī, koé-bēng hō· goá chai, beh hō· i chhēng chí-sek ê phau, âm-kún koà kim-liān, tī kok-lāi chit-ūi ku tē-saⁿ. ⁸Tui hit-sī ông it-chhè tì-hui lêng lóng jip-lâi; chóng-sī boē-oē thak hit ê bûn-jī, iā boē-oē koé-bēng hō· ông chai. ⁹Pek-sa-sat ông chin peh-pak, bīn sit-sek, i ê tãi-sin iā lóng gōng-ngiáh. ¹⁰Ông-hō· in-ūi ông kap i ê tãi-sin só· kóng ê oē chiū jip pān iân-siáh ê chhù; ông-hō· kā i kóng, Goān ông bān-soè; lí ê sim bók-tit peh-pak, bīn bók-tit sit-sek. ¹¹Tī lí ê kok-lāi ū chit-lêng i ê sim-lāi ū hiah ê sèng ê siōng-tè ê sīn; lí ê lâu-pē chāi-siⁿ ê jit khoàⁿ-chhut i ê sim-lāi ū kng-bēng, chhang-miā, tì-hui, chhin-chhiūⁿ chia-hê siōng-tè ê tì-hui; lí ê lâu-pē Nî-pò·kah-nî-sat ông, chiū-sī ông lí ê lâu-pē, siat-lip i choè phok-sū, sūt-sū, Ka-lék-tí lêng kap chiam-pok-ê ê thâu-lêng; ¹²i ū hó sèng-chêng, ū tì-sek chhang-miā, oē oân-bāng, oē khui-thiah ò-biāu, kái-sek giâu-gī ê sū; chit-lêng miā kiò Tân-í-lí, ông koh chheng i choè Pek-thê-sa-sat. Taⁿ thang kiò Tân-í-lí lâi, i beh kā lí koé-bēng.

¹³Chiū chhoā Tân-í-lí kàu ông ê bīn-chêng. Ông m̄ng Tân-í-lí kóng, Lí sī siū-liáh ê Iû-tai lêng tiong-kan ê Tân-í-lí, chiū-sī goá ê lâu-pē choè ông ê sī tui Iû-tai liáh-lâi-ê mah? ¹⁴Goá thiaⁿ-kìⁿ kóng lí ê sim-lāi ū hiah ê siōng-tè ê sīn, koh lí ū kng-bēng, chhang-miā kap hó ê tì-hui. ¹⁵Taⁿ hiah ê tì-hui ê lêng kap sūt-sū í-keng toā--lâi goá ê bīn-chêng, beh hō· in thak hiah ê bûn-jī lâi koé-bēng hō· goá chai; chóng-sī in boē-oē koé-bēng chit ê sū. ¹⁶Goá bat thiaⁿ-kìⁿ lí ê sū, lí gâu koé-bēng, oē kái-sek giâu-gī ê sū; taⁿ lí nā oē thak chit ê bûn-jī, koé-bēng hō· goá chai, chiū beh hō· lí chhēng

chí-sek ê phàu, âm-kún koà kim-liân, tī kok-lāi chit-ūi ku tē-saⁿ. ¹⁷Tān-í-lí tī ông ê bīn-chêng in kóng, Lí ê chêng-phín thang kui tī lí pún-sin, lí ê pò-siúⁿ thang kui hō· pát-lâng; chóng-sī goá beh kā ông thák chit ê bûn-jī, koé-bêng hō· ông chai. ¹⁸Ông ah, chì-koàiⁿ ê Siōng-tè bat chiong kok-ūi, toā-koân, êng-iâu, ui-hong siúⁿ-sù lí ê lâu-pē Nî-pò-kah-nî-sat. ¹⁹In-ūi Siōng-tè só· siúⁿ-sù i ê toā-koân, chia h ê peh-siⁿ, chia h ê kok, chia h ê khiuⁿ-kháu ê lâng lóng kiaⁿ-hiāⁿ ngiáuh-ngiáuh-chhoah tī i ê bīn-chêng; i sūi-ì hō· lâng sí, sūi-ì hō· lâng oáh; sūi-ì kā lâng ko-seng, sūi-ì kā lâng kàng-kē. ²⁰Chóng-sī i ê sim chū-ko, i ê sêng kong-ngī, tì-kàu kiāⁿ kiau-ngō·, chiū lut i ê ông-ūi, chhiúⁿ-toát i ê êng-kng; i siū koáⁿ-chhut lī-khui lâng, i ê sim pìⁿ-chiāⁿ chhin-chhiūⁿ cháu-siú ê sim, kap iá-lú saⁿ-kap khiā-khi; hō· i chiáh-chháu chhin-chhiūⁿ gū, seng-khu hō· thiⁿ ê lō·-chúi sip-tâm; kàu i chai chì-koàiⁿ ê Siōng-tè chiáng-koán lâng ê kok, chiàu I ê ì-sù siat-líp lâng tī-lí i. ²²Pek-sa-sat ah, lí sī i ê kiáⁿ, lí sui-jiân chai che it-chhè, lí ê sim bô ka-kī khiam-pi; keng-jiân chū-ko, kong-kek thiⁿ-têng ê Chú; in ū toà I tiān-lāi ê khi-kū kàu lí ê bīn-chêng, iā lí kap lí chia h ê tãi-sin í-klp lí ê hō·-hui lóng ēng i lāi lim-chiú; lí koh o-ló hiah ê gūn, kim, tâng, thih, chhâ, chiòh só· choè ê siōng-tè, chiū-sī boē khoàⁿ, boē thiaⁿ, boē chai ê, chóng-sī koán lí ê chhoán-khui, tiāⁿ-tiòh lí cho-gū ê Siōng-tè lí bô êng-kng I. ²⁴Tùi án-ni, tùi I ê bīn-chêng chhe-chhut hit ki chhiú siá chit ê bûn-jī. ²⁵Só· siá ê bûn-jī chiū-sī chit-ê:

BÍ-NĬ, BÍ-NĬ, THÊ-KHEK-LIÁT, O·HOAT-JĬⁿ-SIN.

²⁶Koé-bêng chiū-sī án-ni: BÍ-NĬ; chiū-sī Siōng-tè í-keng sng lí ê kok-ūn, hō· i soah.

²⁷THÊ-KHEK-LIÁT; chiū-sī lí siū chhin tī thian-pêng, hián-bêng lí ê bô kàu-giáh. ²⁸PÍ-LĚK-SU; chiū-sī lí ê kok pun-lih, kui hō· Má-tāi lâng kap Pho-su lâng. ²⁹Tùi án-ni Pek-sa-sat chhut-lêng, lâng chiū chiong chí-sek phàu hō· Tān-í-lí chhēng, ēng kim-liân koà tī i ê âm-kún, koh thoân-lêng hō· i tī kok-lāi chit-ūi ku tē-saⁿ. ³⁰Tī hit-mī Ka-lék-tí ông Pek-sa-sat hō· lâng thài. ³¹Má-tāi lâng Tāi-lī-o· tit-tiòh kok-ūi, hit-sī lāk-cháp-jī hē.

6 Tāi-lī-o· chiàu i ê ì-sù siat-líp chit-pah jī-cháp ê chóng-tok, hō· in hun-koán choân-kok, koh tī in ê téng-bīn siat-líp chóng-tiúⁿ saⁿ-lâng, kí-tiong Tān-í-lí sī chit-ê; hō· hiah ê chóng-tok chiong chêng-sū tùi in pín-bêng, bián-tit ông khui-sún. ³In-ūi chit ê Tān-í-lí ū hó sêng-chêng, só·-í iāⁿ-kè kí-û ê chóng-tiúⁿ kap chóng-tok; ông chiū siūⁿ beh siat-líp i tī-lí thong-kok. ⁴Tùi án-ni chóng-tiúⁿ kap chóng-tok tī kok-chêng-tiong chhē-phāng beh kò Tān-í-lí; chóng-sī chhē bô i ê khang-phāng kap kè-sit; in-ūi i chīn-tiong, lóng chhē bô i ê chhò-gō· kè-sit. ⁵Hiah ê lâng chiū saⁿ-kap kóng, Chit ê Tān-í-lí, tū--khì i thàn i ê Siōng-tè ê lút-hoat í-goā, lán bô thang chhē i ê khang-khiāh lāi kò i. ⁶Tùi hit-tiáp hiah ê chóng-tiúⁿ kap chóng-tok hun-hun chū-chíp lāi kìⁿ ông, kóng, Goān Tāi-lí-o· ông bān-soè. ⁷Kok-lāi chóng-tiúⁿ, khim-chhe, chóng-tok, bô-sū, kap sūn-bú lóng saⁿ-kap gī-lūn ài beh siat chit tiâu ông ê lē, lāi líp chit tiâu giām ê kìm-lêng, tī saⁿ-cháp jīt lāi, tū-khi kiū ông í-goā, kìⁿ-nā tùi put-lūn sím-mih siōng-tè á-sī tùi lâng lāi kiū--ê, tiòh hiat i lóh sai-hiát. ⁸Ông ah, taⁿ kiū lí siat-líp hit ê kìm-lêng, chhiam-jī tī hit ê chiàu, hō· i boē koé-oāⁿ--tit, chiàu Má-tāi kap Pho-su ê lē, boē thang koé--tit. ⁹Tùi án-ni Tāi-lī-o· ông chhiam-jī tī

hit ê chiàu kap kìm-lēng. ¹⁰Tān-í-lí chai chit ê chiàu í-keng chhiam-jī, chiū kàu i ê chhù; (i pāng-lāi ê thang khui òng Iā-lō·sat-léng); chit-jit saⁿ-pái kúi tī i ê Siōng-tè ê bīn-chēng kī-tó kám-siā, kap pēng-jit bô koh-iūⁿ. ¹¹Chiah ê lāng chiū hun-hun chū-chip, khoàⁿ-kìⁿ Tān-í-lí tī i ê Siōng-tè ê bīn-chēng kī-tó khún-kiū. ¹²In chiū kàu ông ê bīn-chēng, thê-khí ông ê kìm-lēng kóng, Ông ah, tī saⁿ-cháp jit lāi tū-khí kiū ông í-goā, kìⁿ-nā tui put-lūn sīm-mih siōng-tè á-sī tui lāng lāi kiū--ê, tiōh hiat i lōh sai-hiát, lí kiám-m̄-sī chhiam-jī tī chit ê chiàu mah? Ông òn kóng, Chit ê sū sít-chāi ū, chiàu Má-tāi kap Pho-su ê lē, boē thang koé-tit. ¹³In tī ông ê bīn-chēng òn kóng, Ông ah, tī Iū-tāi chók siū-liáh-ê ê tiong-kan hit ê Tān-í-lí bô liáh lí kap lí só· chhiam-jī ê kìm-lēng choē iàu-kín; i keng-jian chit-jit saⁿ-pái kī-tó. ¹⁴Ông thiaⁿ-kìⁿ chiah ê oē, chīm-chāi hoan-ló, liū-sim beh kiū Tān-í-lí tit-tit siūⁿ kiū i ê hoat-tō· kàu jit-lōh. ¹⁵Chiah ê lāng chiū hun-hun chū-chip lāi kìⁿ ông, kā ông kóng, Ông ah, tiōh chai Má-tāi lāng kap Pho-su lāng ū lē, kìⁿ-nā ông só· lip ê kìm-lēng kap lūt-lē lóng boē koé-oāⁿ--tit. ¹⁶Ông chiū chhut-lēng, lāng chiū toà Tān-í-lí lāi, hiat i tī sai-hiát. Ông tui Tān-í-lí kóng, Lí ê Siōng-tè, lí só· siōng-siōng hók-sāi ê, I beh kiū lí. ¹⁷Lāng poaⁿ chiōh-thâu lāi hē tī hiát-kháu; ông ēng ka-kī ê òn kap tāi-sin ê òn hong-bát i, hō· Tān-í-lí ê tāi-chi lóng boē koé-oāⁿ--tit. ¹⁸Ông tò--khì kiong-lāi, thong-mī kìm-chiáh; bô lāng chok-gák tī i ê bīn-chēng, i iā boē khùn--tit. ¹⁹Keh chá-khí ông chá-chá khí-lāi, kín-kín khì kàu sai-hiát. ²⁰Chiong-kūn hiát-piⁿ, chhut ai-siong ê siaⁿ kiò Tān-í-lí; ông tui Tān-í-lí kóng, Eng-oáh Siōng-tè ê lô·pók, Tān-í-lí ah, lí ê Siōng-tè, lí só· siōng-siōng hók-sāi-ê, oē kiū lí thoat-

lī hiah ê sai mah? ²¹Tān-í-lí tui ông kóng, Goān ông bān-soē. ²²Goá ê Siōng-tè chhe I ê sū-chiá, nīh chiah ê sai ê chhùi, hō· in bô siong-hāi goá; in-ūi goá tī I ê bīn-chēng bô choē; ông ah, goá tī lí ê bīn-chēng iā bô kiāⁿ kheh-khui lí ê sū. ²³Ông ūi-tiōh án-ni hoaⁿ-hí kàu-kék, bēng-lēng lāng chhú Tān-í-lí chhut-hiát. Tui-án-ni chhú Tān-í-lí chhut-hiát; i ê seng-khu lóng bô siū-siong, in-ūi i óa-khò i ê Siōng-tè. ²⁴Ông chiū chhut-lēng, lāng chiū chiong hiah ê kò Tān-í-lí ê lāng, liān in ê bó·kiáⁿ, lóng toà--lāi, hiat lōh sai-hiát; in iáu-bē kàu hiát-toé, sai chiū sah in, kā-chhùi in ê kut-thâu.

²⁵Hit-sī Tāi-lī-o· ông pan-chiàu hō· choān-toē hiah ê peh-siⁿ hiah ê kok, hiah ê khiuⁿ-kháu ê lāng kóng: Goān lín toā-toā hióng-siū pēng-an. ²⁶Taⁿ goá chhut-lēng, hoan-hù goá só· koán-hat thong-kok peh-siⁿ tiōh tī Tān-í-lí ê Siōng-tè ê bīn-chēng kiaⁿ-hiáⁿ ngiāuh-ngiāuh-chhoah, in-ūi I sī oáh ê Siōng-tè, tng-tng tī-teh, I ê kok éng-oán bô biát, I ê koān-pēng bū-kiōng bū-chīn; ²⁷I kiāⁿ chín-kiū, tī thiⁿ--nīh tī toē--nīh kiāⁿ sīn-jiah kī-sū; I ū kiū Tān-í-lí thoat-lī sai ê chhùi. ²⁸Án-ni chit ê Tān-í-lí tng Tāi-lī-o· chē-ūi ê sī kap Pho-su lāng Kó·liát chē-ūi ê sī, lóng tit-tiōh heng-thong.

7 Tng Pa-pí-lūn ông Pek-sa-sat goān--nī, Tān-í-lí tī chhūg--nīh ū bāng-kìⁿ, sīm-lāi khoàⁿ-kìⁿ īⁿ-siōng; i chiū siá hit ê bāng, kóng-khí kī-tiong ê tāi-ì. ²Tān-í-lí kóng, Goá mī--sī khoàⁿ-kìⁿ īⁿ-siōng; khoàⁿ ah, thiⁿ--nīh sī-bīm ê hong hut-jiān khí, chhe tī toā-hái ê téng-bīm. ³Ū sī chiah siū, chín toā-chiah, tui hái--nīh khí--lāi, khoán-sit kok bô saⁿ-tāng. ⁴Thâu chit-chiah chhin-chhiūⁿ sai, ū eng-chiáu ê sít; goá khoàⁿ-kìⁿ kàu i ê sít siū pūih--khí-lāi,

koh tī toē-chiūⁿ tit-tiòh hū--khí-lâi hō· i n̄ng ki kha khiā--khí-lâi chhin-chhiūⁿ lāng chit-iūⁿ, iā hō· i ū lāng ê sim. ⁵Khoàⁿ ah, koh chit chiah siū sī tē-jī-chiah, chhin-chhiūⁿ hīm, thêng-khí i sin-thé ê chit-pêng, i ê chhùi-lâi ū saⁿ ki hiáp-kut, kām tī chhùi-khí-tiong; in kâ i kóng, Khí-lâi, thun-chiáh choē-choē bah. ⁶Āu-lâi goá koh khoàⁿ, khoàⁿ ah, koh ū chit chiah siū, khoán-sit chhin-chhiūⁿ pà, ka-chiah ū sī ê sít chhin-chhiūⁿ chiáu; chit chiah siū ū sī ê thâu-khak, koh ū koân-pêng hō· i. ⁷Āu-lâi goá tī mī--sī ê ĩⁿ-siōng-tiong teh khoàⁿ, khoàⁿ ah, ū tē-sì-chiah ê siū, thang kiaⁿ thang lún, iā sī put-chí kiông; ū toā-ki ê thih-khí, i thun-kā thiah-chhùi, só· chhun--ê ēng kha táh i; kap í-chêng hiah ê siū koh-iūⁿ; koh hoat chấp ki kak. ⁸Goá teh khoàⁿ hiah ê kak, khoàⁿ ah, hit tiong-kan ū lēng-goā hoat chit-ki soē-ki-kak; chiông-chiân hiah ê kak ê tiong-kan ū saⁿ ki kak hām kun pūih--khí-lâi tī soē ki kak ê thâu-chêng; khoàⁿ ah, chit ki kak ū bák-chiu chhin-chhiūⁿ lāng ê bák-chiu, koh ū chhùi teh kóng toā-oē.

⁹Goá koh khoàⁿ kàu hiah ê chō-ūi pài-liát, ū chit-ê tui kó·-chá chiū ū-ê chē--teh; i ê i-hók pēh chhin-chhiūⁿ seh, i ê thâu-m̄ng chhin-chhiūⁿ chin chheng-khì ê iūⁿ-m̄ng; i ê pó-chō chiū-sī hé-iām, i ê lūn chhin-chhiūⁿ hé teh tóh. ¹⁰Ū hé chhin-chhiūⁿ khoe hoat-chhut lâu tī i ê bīn-chêng; hók-sāi i-ê ū chheng-chheng, kun-sūi tī i ê bīn-chêng-ê ū bān-bān; sīm-phoàⁿ ê sū lóng piān, chheh lóng hian-khui. ¹¹Hit-sī goá in-ūi hit ki kak só· kóng toā-oē ê siaⁿ chiū khoàⁿ i; khoàⁿ kàu hit chiah siū siū-thâi, i ê sin-thé siū húi-hoāi, hiat tī hé-nih sio. ¹²Lūn-kàu kī-ū chiah ê siū, i ê koân lóng sít-lóh, chóng-sī in ê sīⁿ-miā iáu lâu--teh kàu tī tiāⁿ-tiòh ê sī tiāⁿ-tiòh ê jlt-kí. ¹³Goá tī

mī--sī ê ĩⁿ-siōng-tiong teh khoàⁿ, khoàⁿ ah, ū chit-ê chhin-chhiūⁿ lāng ê khoán chē thiⁿ-têng ê hūn lâi kàu tī hit ê tui kó·-chá chiū ū-ê, in chiū chhoā i kàu i ê bīn-chêng. ¹⁴Chiū siūⁿ-sū i ū koân-pêng, ēng-kng, kok-ūi, hō· bān peh-siⁿ, bān-kok, bān khiuⁿ-kháu ê lāng lóng hók-sāi i; i ê koân-pêng sī éng-oán ê koân-pêng, boē-oē bō--khì, i ê kok-ūi tek-khak bō hoē-bō.

¹⁵Goá Tān-í-lí sim-sin tī goá ê lāi-bīn iu-būn, sim-lāi ê ĩⁿ-siōng hō· goá peh-pak. ¹⁶Goá chiū khi chhē hiah ê khiā tī piⁿ--á ê chit-ê, m̄ng i chiah ê sū ê sít-chāi. I chiū tui goá kóng, iā koé-bēng hiah ê sū hō· goá chai. ¹⁷Hí sī-chiah toā-siū sī sī ê ông, beh tui toē-chiūⁿ heng-khí. ¹⁸Chóng-sī Chì-koāiⁿ-ê sêng ê peh-siⁿ beh tit-tiòh kok-ūi, tng-tng chiáng-lí kok-koân, éng-oán bō soah. ¹⁹Hit-sī goá ài chai tē-sì-chiah siū ê sít-chāi, i kap in hiah ê siū koh-iūⁿ, put-chí thang kiaⁿ, i ê chhùi-khí sī thih-ê, i ê jiáu sī tâng-ê; i thun-kā thiah-chhùi, só· chhun-ê ēng kha táh i; ²⁰koh ài chai i thâu-khak só· hoat chấp ki kak ê sít-chāi, kap hit-ki lēng-goā hoat ê kak, hō· saⁿ ki kak lak-lóh tī i ê thâu-chêng, chiū-sī ū bák-chiu, ū chhùi kóng toā-oē ê kak, i ê khoán-sit khah kiông-béng i ê tâng-lūi. ²¹Goá khoàⁿ-kìⁿ chit ki kak kap sêng ê peh-siⁿ kau-chiàn, lâi khah-iāⁿ in; ²²tit-kàu hit ê tui kó·-chá chiū ū-ê lâi; kâ Chì-koāiⁿ-ê sêng ê peh-siⁿ phoàⁿ-toàn, kàu sêng-tō· tit-tiòh kok-ūi ê jlt-kí kàu. ²³I án-ni kóng, Tē-sì-chiah siū beh choē toē-chiūⁿ ê tē sī kok, i kap lóng-chóng ê kok bō tâng; koh beh thun-kā choān-toē, beh thún-táh i, thiah-chhùi i. ²⁴Lūn-kàu hí chấp ki kak, chiū-sī tui hit ê kok-lāi beh heng-khí chấp ê ông; āu-lâi lēng-goā ū chit ê ông heng-khí, kap chêng hiah-ê bō tâng, i beh hō· saⁿ ê ông

hâng-hók i. ²⁵I beh kóng-oē ngó·gèk Chì-koàiⁿ-ê, iā beh khó·chhó· Chì-koàiⁿ ê sèng ê peh-sìⁿ; iā siūⁿ beh koé-oāⁿ choeh-kî, lùt-hoat; in beh kau-tài i ê chhiú, lèk-kè chit-sí, koh nng-sí, koh poàⁿ-sí. ²⁶Sím-phoàⁿ-sí beh chē-ūi, in beh chhiúⁿ-toát ông ê koân, húi-hoài i, biát-bô i kàu thiat-tí. ²⁷Phó·thiⁿ-ē ê kok-ūi, koân-pèng, kap liát-kok ê ui-koân lóng kau-hō· Chì-koàiⁿ-ê sèng ê peh-sìⁿ; I ê kok sī éng-oán ê kok, kìⁿ-nā ū-koân-ê lóng beh hók-sāi sūn-thàn I. ²⁸Chit ê tãi-chì kàu chia kiát-kiók; goá Tân-í-lí sim-lāi siūⁿ-liáu peh-pak, bīn iā piàn-sek; chóng-sī goá ēng chit ê sū khng tī sim-lāi.

8 Pek-sa-sat ông chē-ūi tē-saⁿ-nī, koh ū īⁿ-siōng chhut-hiān hō· goá Tân-í-lí khoàⁿ-kìⁿ, chiū-sī tī goá thâu-chit-pái khoàⁿ-kìⁿ ê īⁿ-siōng ê liáu-āu. ²Goá khoàⁿ-kìⁿ īⁿ-siōng, khoàⁿ-kìⁿ ê sī sī tī Í-lân séng Su-san ê kiong-tiān; goá khoàⁿ-kìⁿ īⁿ-siōng sī tī O·lāi ê hô-piⁿ. ³Goá kiáh-bák teh khoàⁿ, khoàⁿ ah, ū kang ê mí-iūⁿ khiā tī hô ê thâu-chēng, i ū nng ki kak; nng-ki kak lóng koàiⁿ; chit-ki khah koàiⁿ hit-ki; khah-koàiⁿ-ê tè-bé hoat. Goá khoàⁿ-kìⁿ hit chiah kang ê mí-iūⁿ nng-sai nng-pak nng-lâm lâi tak; bô chit chiah siū oē khiā-chāi tī i ê bīn-chēng, iā bô chit-ê oē kiù-chhut i ê chhiú; i chhut-chāi ì-sù kiāⁿ ka-kī choè-toā. ⁵Goá teh siūⁿ ê sī, khoàⁿ ah, ū chit chiah kang ê soaⁿ-iūⁿ tui sai--sì lâi, piàn-kiāⁿ choân-toē, kha bô táh-tiòh toē; chit chiah soaⁿ-iūⁿ tī i nng lúi bák-chiu ê tiong-ng ū chit ki chin hiáⁿ-bák ê kak. ⁶I khi kàu ū nng-ki kak kang ê mí-iūⁿ hia, chiū-sī goá só· khoàⁿ-kìⁿ khiā tī hô ê thâu-chēng-ê, hoat toā siū-khì, cháu-khì chhē i. ⁷Goá khoàⁿ-kìⁿ i oá-kūn kang ê mí-iūⁿ, nng i hoat toā siū-khì, tak hit chiah mí-iūⁿ, phah-chhī i nng ki kak, mí-iūⁿ bô lát

thang khiā tī i ê bīn-chēng; i chiū hō· i tó tī toē--nih, thún-táh i; bô chit-ê oē kiù mí-iūⁿ chhut i ê chhiú. ⁸Hit chiah soaⁿ-iūⁿ ka-kī choè chin toā; tng i không-béng ê sī, hit-ki toā-ki kak tú-tiòh phah-chhī, ū hoat sì ki hiáⁿ-bák ê kak thoè i, nng thiⁿ sì-bīn ê hong.

⁹In tiong-kan chit-ki koh hoat-chhut chit-ki soè-ki-kak, chiāⁿ-choè chin toā, nng-lâm, nng-tang, nng ēng-iāu ê toē. ¹⁰I chiāⁿ-choè koàiⁿ-toā kàu thiⁿ ê kun-tūi; chiong kun-tūi kap chhiⁿ-sīn kúi-nā-ê hiat-lòh toē--nih, thún-táh i. ¹¹Koh i ka-kī choè koàiⁿ-toā kàu tī kun-tūi ê chú-cháiⁿ, tū--khì ták-jit só· hiān hō· i ê sio-chè, húi-hoài i ê sèng-só·. ¹²Ūi-tiòh choē-koà ê iān-kò· ū kun-tūi kap jit-jit só· hiān ê sio-chè kau-hù i; i chiong chin-lí hiat tī toē--nih, chhut-chāi ì-sù lâi kiāⁿ, bô m̄ heng-thong. ¹³Goá thiaⁿ-kìⁿ ū chit-ūi sèng-ê teh kóng-oē, koh ū chit-ūi sèng-ê tui hit-ūi teh kóng-oē-ê kóng, Chit ê īⁿ-siōng, chiū-sī lūn-kàu jit-jit só· hiān ê sio-chè kap tī-kàu hong-hoè ê choē-ok, hō· sèng-só· kap kun-tūi siū thún-táh, beh kàu sím-mih sī ah? ¹⁴I kā goá kóng, Kàu nng-chheng saⁿ-pah mí-jit, sèng-só· chiū beh tit-tiòh chheng-khì.

¹⁵Goá Tân-í-lí, goá ū khoàⁿ-kìⁿ chit ê īⁿ-siōng, ài-beh bēng-pék hit ê ì-sù, hit-sī hut-jian ū chit-ūi chhin-chhiūⁿ lāng ê khoán-sit khiā tī goá ê bīn-chēng. ¹⁶Goá koh thiaⁿ-kìⁿ O·lāi hō siang-pēng-hoāⁿ ê tiong-kan ū lāng ê siaⁿ kiò kóng, Ka-pek-liát ah, tiòh hō· chit-lāng bēng-pék chit ê īⁿ-siōng. ¹⁷I chiū lâi kàu goá khiā-teh ê só·chāi; i chit-ē lâi, goá chiū kiaⁿ-hiāⁿ, phak tī toē--nih; i kā goá kóng, Jīn-chú ah, lí tiòh bēng-pék; in-ūi chit ê īⁿ-siōng sī koan-hē tī boát-kí. ¹⁸I kap goá kóng-oē ê sī, goá ê bīn phak tī toē--nih, khùn tâng-bīn; i chiū bong goá, hū goá khí-lāi khiā. ¹⁹I kóng,

Khoàⁿ ah, goá beh hō· lí chai siū-khì ê boát-kí só· beh ū ê sū; in-ūi chit-ê sī koan-hē tī lō· bé só· tiāⁿ-tiòh ê sī. ²⁰Lí só· khoàⁿ-kìⁿ kang ê mi-iūⁿ, ū nng ki kak ê, chiū-sī Má-tāi kap Pho-su nng ê ông. ²¹Hit-chiah tng-mng kang ê soaⁿ-iūⁿ chiū-sī Hi-liáp ông; i nng-lúi bák-chiu-tiong ê toā-ki kak chiū-sī thâu-chit ê ông. ²²Lūn-kàu hit-ki phah-chih ê kak, tui i ê toé koh hoat-chhut sì-ki kak; án-ni ū sì-kok beh tui i ê kok heng-khí, chóng-sī koan-lék boē pí-tit i. ²³Hiah ê kok ê boát-kí, lāng ê choē-ok koan-moá, beh ū chit ê ông heng-khí, bīn-māu hiong-ok, gâu ēng khúí-khiat ê oē. ²⁴I ê koan-pèng chiaⁿ-choē toā, chóng-sī m-sī tui ka-kí ê koan-pèng; i beh kiāⁿ hui-siōng ê húi-biát, iā sī heng-thong, koh chiàu ka-kí ê ì-sù lāi kiāⁿ; koh beh húi-biát ū koan-lék-ê í-kip sèng ê peh-sìⁿ. ²⁵I ēng kè-bô· hō· i khúí-khiat ê chhiú-toāⁿ heng-thong; sim-lāi ka-kí choē-toā; húi-biát choē-choē lāng tī in bô tī-hōng ê sī; koh beh khí-lāi kong-kek bān-ông ê Ông; chóng-sī i beh siū húi-hoai, m-sī ēng lāng ê chhiú. ²⁶Chèng só· kóng ê-hng chá-khí ê īⁿ-siōng sī chin--ê; chóng-sī lí tiòh hong-bát hit ê īⁿ-siōng; in-ūi sī koan-hē choē-choē jít-āu ê sū. ²⁷Tui án-ni goá Tān-í-lí hun-bê, phoà-pīⁿ kúi-nā jít; jiān-āu khí--lāi pān-lí ông ê sū-bū; goá in-ūi chit ê īⁿ-siōng gōng-ngiáh, bô lāng oē hiáu-tit.

9 Má-tāi chók A-hap-sui-ló· ê kiáⁿ Tāi-lī-o· lip-choē Ka-lék-tí kok ê ông goan--nī; chiū-sī i chē-ūi ê goan--nī, goá Tān-í-lí tui chheh--nih tit-tiòh chai hiah ê nī ê siāu-giáh, chiū-sī Iā-hô-hoa ê oē līm-kàu sian-ti Iā-lī-bí kóng-khí Iā-lō·sat-léng tú-tiòh hong-hoē tiòh moá chhit-cháp nī. ³Goá koat-ì ñg Chú Siōng-tè ài ēng kí-tó khún-kiū, kìm-chiáh, chhēng môa-saⁿ, sám hé-hu, lāi-chhè I. ⁴Goá kí-tó Iā-hô-

hoa, goá ê Siōng-tè, jīm-choē, kóng, Chú, chì-toā thang kiaⁿ-ui ê Siōng-tè ah, chiū-sī siú-iok si-un hō· kìⁿ-nā thiāⁿ I, kín-siú I kài-bēng ê lāng ê; ⁵goán ū hoan-choē, chok-giát, kiāⁿ-pháiⁿ, poē-poān, lī-khui Lí ê kài-bēng hoat-tō·; bô thiaⁿ Lí ê lô·pók chiaⁿ ê sian-ti, chiū-sī hōng Lí ê miā tui goán ê kun-ông, kúi-chók, liát-chó·, kap kok-lāi it-chhè ê peh-sìⁿ, kóng-oē--ê. ⁷Chú ah, kong-gī kui tī Lí, kiàn-siāu kui tī goán, chhin-chhiūⁿ kìn-á-jít; chiū-sī kui tī Iū-tāi lāng, kap Iā-lō·sat-léng ê peh-sìⁿ, í-kip Í-sek-liát chēng-lāng, hék-sī kùn-ê, hék-sī hng-ê, tī Lí, ūi-tiòh in tek-choē Lí, lāi koáⁿ in kàu ê ták-kok. ⁸Chú ah, kiàn-siāu kui tī goán, kui tī goán ê kun-ông, kúi-chók, liát-chó·, in-ūi goán tek-choē Lí. ⁹Goán sui-jiān poē-gék Chú, goán ê Siōng-tè, chóng-sī līn-bín siā-choē sī chāi-tī I; ¹⁰iā bô thiaⁿ Iā-hô-hoa goán ê Siōng-tè ê oē, lāi kiāⁿ I thok-tiōng I ê lô·pók chiaⁿ ê sian-ti só· pāi-liát tī goán ê bīn-chēng ê lút-hoat. ¹¹Í-sek-liát choan-chók lóng ū hoan-tiòh Lí ê lút-hoat, kiāⁿ phian-lō· bô thiaⁿ-thàn Lí ê oē; in-ūi án-ni, chit ê chiū-chó·, í-kip Siōng-tè ê lô·pók Mô-se lút-hoat-tiong só· kì ê chiū-choā, lóng piāⁿ tī goán ê sin-chiūⁿ, in-ūi goán ū tek-choē Lí. ¹²I bat kàng toā chai-ē hō· goán, lāi èng-giām I chēng kóng-kài goán iā kóng-kài sīm-phoàⁿ goán sū-su ê oē; in-ūi tī phó·thiⁿ-ē m-bat kiāⁿ chhin-chhiūⁿ só· kiāⁿ tī Iā-lō·sat-léng ê. ¹³Che it-chhè ê chai-ē līm-kàu goán, sī chiàu Mô-se lút-hoat-tiong só· kì-chài-ê; chóng-sī goán iáu bô kiū Iā-hô-hoa goán ê Siōng-tè si-un, hō· goán oát-thau lī-khui goán ê choē-koà, bēng-pék Lí ê chin-lí. ¹⁴Só·-í Iā-hô-hoa chū-ì hō· chit ê chai-ē līm-kàu goán; in-ūi Iā-hô-hoa goán ê Siōng-tè tī I só· kiāⁿ ê sū lóng sī kong-gī; goán pēng-bô thiaⁿ-thàn I ê oē. ¹⁵Chú,

goán ê Siōng-tè ah, Lí bat ēng toā koân-lêng ê chhiú toā Lí ê peh-siⁿ chhut Ai-kiap toē, hō· Lí ū miâ-siaⁿ, chhin-chhiūⁿ kin-á-jit; goán ū hoân-choē, goán ū kiâⁿ-pháiⁿ. ¹⁶Chú ah, kiū Lí chiàu Lí ê kong-gī hō· Lí ê siū-khi kap Lí ê toā siū-khi oát-túg lī-khui Lí ê siâⁿ Iâ-lō·sat-léng, chiū-sī Lí ê sèng-soaⁿ; in-ūi tui goán ê choē-ok, kap goán liat-chó· ê choē-koà, Iâ-lō·sat-léng kap Lí ê peh-siⁿ hō· si-ūi ê làng só· lêng-jiók. ¹⁷Só·-í goán ê Siōng-tè ah, taⁿ kiū Lí thiaⁿ Lí ê lô·pók ê kī-tó khún-kiū; koh in-ūi Chú ê iân-kò·, hō· Lí ê bīn ê kng chiò Lí pha-hng ê sèng-só·. ¹⁸Goá ê Siōng-tè ah, kiū Lí àⁿ hī-khang lâi thiaⁿ, khui Lí ê bák-chiu lâi khoàⁿ goán pha-hng ê toē, kap ēng Lí ê miâ lâi chheng ê siâⁿ; in-ūi goán hiàn goán ê kī-tó tī Lí ê bīn-chêng, m̄-sī in-ūi ka-kī ê gī, chiū-sī in-ūi Lí ê toā lín-bín. ¹⁹Chú ah, thiaⁿ, Chú ah, sià-bián, Chú ah, thiaⁿ lâi kiâⁿ; goá ê Siōng-tè ūi Lí ê iân-kò· bôh-tit iân-chhiân, in-ūi Lí ê siâⁿ, Lí ê peh-siⁿ, lóng sī ēng Lí ê miâ lâi chheng-ê.

²⁰Goá teh kóng teh kī-tó ê sī, jīm goá ê choē kap goá ê peh-siⁿ Í-sek-liat ê choē, ūi-tiòh goá ê Siōng-tè ê sèng-soaⁿ hiàn goá ê khún-kiū tī goá ê Siōng-tè Iâ-hô-hoa ê bīn-chêng; ²¹goá kī-tó ê oē kóng bē oân, goá khí-thâu tī ĩⁿ-siōng-tiong só· khoàⁿ-kìⁿ ê làng, Ka-pek-liat, hong beng-lêng kín-kín pe--lâi, iok-liók tī hiàn ê-hng-chè ê sī, lâi bong goa. ²²I kà-sī goá, kà goá kóng, Tân-í-lí ah, goá lâi sī beh hō· lí ū tì-hūi chhang-miâ. ²³Lí khí-thâu kī-tó ê sī, chiū ū beng-lêng hoat-chhut, taⁿ goá lâi kà lí kóng; in-ūi lí toā-toā tit-tiòh thióng-ài; só·-í lí tiòh siūⁿ chit ê sū, lâi beng-pék chit ê ĩⁿ-siōng. ²⁴Lūn-kàu lí ê peh-siⁿ kap lí ê sèng-siâⁿ í-keng hān-tiāⁿ chhit-cháp ê chhit-jit-kī, beh at-chí kè-sit, tū-chīn

choē-ok, kiū-siók choē-koà, ín-chìn éng-oán ê gī, hong-bát ĩⁿ-siōng kap chhàm-gú, koh ēng iū boah chì-sèng-ê. ²⁵Só·-í lí tiòh chai tiòh beng, tui chhut-bēng tēng-sin khí-chō Iâ-lō·sat-léng tit-kàu siū boah-iū ê jīm-kun ê sī, beh ū chhit ê chhit-jit-kī; koh lāk-cháp-jī ê chhit-jit-kī, tng tī kan-lân ê sī i kap koe-lō· kap hô-kau lóng beh koh khí-chō. ²⁶Kè lāk-cháp-jī ê chhit-jit-kī ê liáu-āu, siū-boah-iū-ê beh tú-tiòh chián-tū, iā lóng bô só· ū; beh ū chit ê jīm-kun ê peh-siⁿ kàu lâi húi-biát siâⁿ kap sèng-só·, i ê kiap-kiók beh chhin-chhiūⁿ ēng toā-chú, kàu lô·bé beh ū kau-chiàn; pha-hng ê sū í-keng tiāⁿ-tiòh. ²⁷Chit ê chhit-jit-kī ê lâi-bīn, i beh kap choē-choē làng līp kian-kò· ê iok; chhit-jit-kī ê chit-poàⁿ i beh hō· chè-sū kap lé-mih lóng soah; chân-hāi--ê chioh khó·-òⁿ-ê ê sít lâi; koh ū toā siū-khi piàⁿ tī hit ê kiâⁿ húi-biát-ê ê sin-chiūⁿ, kàu tī só· tiāⁿ-tiòh ê boát-kī.

10 Pho-su ông Kó·liat tē-saⁿ--nī, ū tãi-chì hiàn-bēng hō· chheng-choē Pek-thē-sa-sat ê Tân-í-lí; chit ê sū sī chin-sit, koan-hē toā kau-chiàn, Tân-í-lí thong-tát chit ê sū, beng-pék chit ê ĩⁿ-siōng. ²Hit-sī goá Tân-í-lí iu-būn saⁿ ê chhit-jit-kī. ³Hó ê mih goá bô chiah, bah kap chiú bô jip goá ê chhui, iā bô ēng iū boah goá ê seng-khu, tit-kàu moá saⁿ ê chhit-jit-kī. ⁴Chiaⁿ-gêh jī-si-jit, goá tī Hi-tí-kiat toā-hô piⁿ, kiáh-bák teh khoàⁿ, khoàⁿ ah, ū chit-lâng, seng-khu chheng iū-toē-pò· ê saⁿ, io hā O·hoat ê hó-kim; i ê seng-khu chhin-chhiūⁿ ng-gék, bīn-māu chhin-chhiūⁿ sih-nà ê khoán, i ê bák-chiu chhin-chhiūⁿ hé-pé, i ê chhiú kap kha sek-tì chhin-chhiūⁿ boā-kng ê tâng, i kóng-oē ê siaⁿ chhin-chhiūⁿ kui-tīm lóng ê siaⁿ. ⁷Chit ê ĩⁿ-siōng chí-ū goá Tân-í-lí chit-lâng khoàⁿ-kìⁿ; in-ūi kap goá tī-teh ê làng

bô khoàⁿ-kìⁿ hit ê ìⁿ-siōng; kan-ta ngiāuh-ngiāuh-chhoah, cháu--khì bih. ⁸Chhun goá ka-kī tī-teh; goá khoàⁿ-kìⁿ chit ê toā ìⁿ-siōng; sin-thé lóng bô lát; koh goá ê súi-sek pìⁿ-pháiⁿ, kàu lóng bô lát. ⁹Chóng-sī goá thiaⁿ-kìⁿ i kóng-oē ê siaⁿ; thiaⁿ-kìⁿ i kóng-oē ê sī, goá phak-lòh toē, bīn àⁿ toē, chiū khùn tâng-bīn. ¹⁰Khoàⁿ ah, ū chit ki chhiú bong goá, hō· goá ēng kha-thâu-u kap chhiú-chiúⁿ tà tī toē--nih, teh chhoah. ¹¹I chiū tui goá kóng, Toā-toā tit-tiòh thióng-ài ê lāng, Tān-í-lí ah, lí tiòh bēng goá kap lí só· kóng chiaⁿ ê oē; khí-lāi khiā, in-ūi goá taⁿ hōng-chhe kàu lí chia; i tui goá kóng chit ê oē, goá chiū khiā-teh gī-gī-chhoah. ¹²I koh tui goá kóng, Tān-í-lí ah, m̄-bián kiaⁿ; in-ūi tui lí thâu-chit-jit choan-sim ài bēng-pék, koh ka-kī khiam-pi tī lí Siōng-tè ê bīn-chēng ê sī, lí ê oē í-keng tit-tiòh thiaⁿ-kìⁿ; koh goá in-ūi lí ê oē chiaⁿ lāi. ¹³Nā-sī Pho-su kok ê jīn-kun chó·-tòng goá jī-cháp-it jít; khoàⁿ-ah, ū toā jīn-kun ê chit-ê, Bí-ka-lék, lāi pang-chān goá, goá chiū theng tī-hia, kap Pho-su hiah ê ông choè-tīn. ¹⁴Taⁿ goá lāi sī beh hō· lí bēng lí ê peh-siⁿ jít-āu só· beh tú-tiòh ê sū; in-ūi chit ê ìⁿ-siōng iáu-kú koan-hē choē-choē jít. ¹⁵I ēng chiaⁿ ê oē ká goá kóng, goá chiū bīn òng-toē, chēng-chēng bô kóng-oē. ¹⁶Khoàⁿ ah, ū chit-ūi chhin-chhiūⁿ lāng ê khoán bong goá ê chhui-tūn; goá chiū khui-chhui, tui hit-ūi khiā tī goá ê bīn-chēng-ê kóng, Goá ê chú ah, in-ūi chit ê ìⁿ-siōng goá chin iu-būn, tì-kàu goá lóng bô lát. ¹⁷Goá ê chú ê lô·-pók cháiⁿ-iūⁿ oē kap goá ê chú kóng-oē ah? in-ūi chit-sī goá ê seng-khu lóng bô lát, iā lóng bô chhoán-khui. ¹⁸Koh chit-ūi chhin-chhiūⁿ lāng ê khoán-ê lāi bong goá, hō· goá ū lát. ¹⁹I kóng, Toā tit-tiòh thióng-ài ê lāng, m̄-bián kiaⁿ; goān lí pēng-an; lí tiòh

ióng-chòng, tiòh ióng-chòng. I chit-ê tui goá kóng-oē, goá chiū tit-tiòh ū lát, kóng, Goá ê chú ah, chhiáⁿ lí kóng, in-ūi lí í-keng hō· goá ū lát. ²⁰I chiū kóng, Lí chai goá ūi-hô lāi lí chia mah? Taⁿ goá beh tò--khì kap Pho-su ê jīn-kun kau-chiàn; goá khi-liáu, khoàⁿ ah, Hi-liáp ê jīn-kun beh lāi. ²¹Chóng-sī goá beh chiong kì-chài tī chin-sit ê chheh-ê chí-sī lí; tui lí ê toā jīn-kun Bí-ka-lék í-goā, bô chit-ê kap goá tàu chhut-lát lāi tít-tng in.

11 Tng Má-tāi ông Tāi-lī-o· goān--nī, goá khiā--khì-lāi, hō· i kian-kò· ióng-chòng.

²Taⁿ goá chiong chin-sit ê sū chí-sī lí. Khoàⁿ ah, Pho-su beh koh ū saⁿ ê ông heng-khi; tē-si-ê beh chin hó-giáh, iāⁿ-kè in hiah-ê; i tui i ê hó-giáh chiāⁿ-choè kiōng-béng ê sī, chiū beh kek-tōng chēng-lāng kong-kek Hi-liáp kok. ³Beh ū chit ê ióng-béng ê ông khí-lāi, ēng toā-koan lāi tī-lí, chiāu ì-sù lāi kiāⁿ. ⁴I heng-khi ê sī, i ê kok beh hun-líh, òng-thiⁿ ê si-bīn ê hong pun-khui; chóng-sī bô kui i ê hō·-è, iā boē pí-tit i chēng só· chiáng ê koan; in-ūi i ê kok beh tú-tiòh puih--khí-lāi, kui tī chiaⁿ-ê í-goā ê pát-lāng. ⁵Lâm-hng ê ông beh kiōng-béng; chóng-sī i tãi-sin ê tiōng-kan beh ū chit-ê pí i khah kiōng-béng, tit-tiòh koan; i ê koan beh choè chin-toā ê koan. ⁶Kè kúi-nā nī āu, in beh saⁿ liān-háp; lâm-hng ê kok ê cha-bó·-kiáⁿ beh chiū-kun pak-hng ê ông, ài līp bēng-iok; chóng-sī chit ê cha-bó·-kiáⁿ pang-chān ê lát boē-oē kú-tng; chit ê ông kap i pang-chān ê lát boē-oē chūn-chāi; koh chit ê cha-bó·-kiáⁿ kap toā i lāi ê, kap siⁿ i ê, í-kip tng-sī hū-chō· i ê, lóng beh siū kau-hù. ⁷Chóng-sī chit ê cha-bó·-kiáⁿ ê pún-ke beh koh chhut chit-ê, soà-chiap ông-ūi, i beh toā kun-tui lāi, chin-jīp pak-hng ê ông ê hiám-iàu, kong-kek lāi khah-iāⁿ in. ⁸Iā chiong in ê

siōng-tè, kap só· chù ê ngó·-siōng, í-kíp gûn kim ê pó-khì chhiúⁿ-liáh kàu Ai-kíp; kúi-nā nî kú bô chhap pak-hng ê ông. ⁹I beh jlp lâm-hng ê ông ê kok, chóng-sī beh iû-goân tò--khì pún só·-chāi. ¹⁰I hiah ê kiáⁿ beh khí kau-chiàn, chio-chíp choē-choē kun-tūi, i beh chìn-chêng chhin-chhiūⁿ chúi hoàn-lām tui-hia keng-kè, chiū beh tò--khì, koh khí kau-chiàn tit-kàu i ê hiám-iàu. ¹¹Lâm-hng ê ông beh toā siū-khì, chhut-lâi kap pak-hng ê ông kau-chiàn; i beh pài-liát toā kun-tūi, toā kun-tūi beh kau-hù i ê chhiú. ¹²Í-keng tū--khì toā kun-tūi, i ê sim chū-ko; i sui-jiân hō· kúi-nā bân lāng tó--lòh-khì, kiù-kèng bô tit-tiòh khah-iáⁿ. ¹³Pak-hng ê ông beh tò--lâi, koh pài-liát toā kun-tūi, pí chêng-ê koh khah choē; kè kúi-nā nî āu, i beh toā toā kun-tūi kap choē-choē kun-chong lâi. ¹⁴Hit-sī beh ū choē-choē lāng khí-lâi kong-kek lâm-hng ê ông; koh lí ê peh-siⁿ tiong kiông-pō ê lāng iā beh khí-lâi, ài hō· íⁿ-siōng tit-tiòh èng-giām; chóng-sī in beh pài-bô. ¹⁵Pak-hng ê ông beh lâi, iā beh khí thô·-tui, kong-chhú kian-kò· ê siáⁿ; lâm-hng ê kun-tūi beh khiā-boē-tiâu, i só· keng ê peh-siⁿ iā bô lát thang khiā-tiâu. ¹⁶Tók-tók lâi kong-kek i ê, beh chhut-chāi ì-sù lâi kiáⁿ, bô lāng tī i ê bīn-chêng khiā-oē-tiâu; i beh khiā tī èng-iāu ê toē, i ê chhiú kiáⁿ châu-biát. ¹⁷I koat-ì èng choân-kok ê lát lâi, iā ū cheng-tit ê lāng kap i lâi, i beh chiàu ì-sù kiáⁿ; koh beh èng hū-jîn-lāng ê cha-bó·-kiáⁿ hō· i, beh pài-hoāi i; chóng-sī i boē sêng-llp, iā bô choē i ê lī-ek. ¹⁸Hit-tiáp liáu-āu i beh oát-túg-bīn òng hiah ê hái-sū, choē-choē chhú i; chóng-sī beh ū chit ê tãi-sin tū--khì i só· si ê lêng-jiók; koh hō· hit ê lêng-jiók kui i pún-sin. ¹⁹Āu-lâi i beh oát-túg-bīn òng ka-kī keng-lâi ê hiám-iàu; chóng-sī i beh tiòh-tak lâi poáh-tó; kàu-

bé bô koh khoàⁿ-kìⁿ. ²⁰Hit-sī beh ū chit-lāng khí-lâi, soà-chiap i ê ūi, hō· chit ê lèk-sek-ê piàn-kiáⁿ kok-lâi èng-iāu ê toē; chóng-sī bô kúi-jit-lâi i beh siū biát-bô, m̄-sī tui siū-khì, iā m̄-sī tui kau-chiàn. ²¹Beh ū chit ê pi-chiān ê lāng khí-lâi, soà-chiap i ê ūi, lāng m̄-bat èng kok ê èng-kng hō· i; sī thàn lāng bô tī-hông ê sī, èng thiám-mī lâi tit-tiòh kok. ²²Toā-tūi ê peng-lát beh siū hui-biát tī i ê bīn-chêng, chhin-chhiūⁿ hō· toā-chui lâu--khì, tâng hoē-bêng ê jîn-kun iā beh án-ni. ²³Líp-iok liáu-āu i beh kiáⁿ khui-chà; in-ūi i beh chiūⁿ--lâi, èng chió-chió ê peh-siⁿ chiáⁿ-choē kiông-béng. ²⁴Thàn lāng bô tī-hông ê sī, i beh lâi kàu séng-lâi ê pui-toē, iā beh kiáⁿ i ê liát-chó·, kap in ê liát-chó·, só· bē-bat kiáⁿ--ê; beh èng só· chhiúⁿ-ê, só· kiap-ê, kap hē-chai hun-soàⁿ hō· lāng; koh beh siat kè-bô· kong-kek chiah ê hiám-iàu ê só·-chāi, kàu i ê sí-kí. ²⁵I beh chhut toā-lát hùn-chì, èng toā ê kun-tūi kong-kek lâm-hng ê ông; lâm-hng ê ông, iā beh èng kék-toā kék-kiông ê kun-peng kap i kau-chiàn; chóng-sī khiā-boē-tiâu, in-ūi lāng siat kè-bô· beh hāi i; ²⁶chiah i ê hōng-lók-ê beh biát i, i ê kun-peng beh sì-soàⁿ; koh siū-thai-ê chin-choē. ²⁷Chí nng ê ông, sim chùn pháiⁿ-ì, tâng-toh ê sí kóng pèh-chhát; chóng-sī i ê kè-bô· boē chiáⁿ; in-ūi kàu tiāⁿ-tiòh ê kí in ê kiát-kiók oē kàu. ²⁸I beh toā choē-choē hē-chai tò--khì pún-kok; i ê sim hoán-tui sèng-iok; chiàu i ê ì-sù kiáⁿ, tò--khì pún-kok. ²⁹Kàu tiāⁿ-tiòh ê kí, i beh tò-túg, lâi kàu lâm-hng; chóng-sī chí lō·-bé pái bô chhin-chhiūⁿ chêng-pái. ³⁰In-ūi Ki-thê ê chùn beh kàu kong-kek i, tì-kàu i iu-būn chiū tò--khì, thòng-hūn sèng-iok, chiàu i ê ì-sù lâi kiáⁿ; i beh tò--lâi, kap khì-sak sèng-iok ê lāng saⁿ-kap kè-bô·. ³¹I beh khí-peng, in beh phah lâ-sâm sèng-só·,

chiū-sī oē-só·, tū--khì jít-jít só· hiàn ê chè-sū, khāi hit ê chân-hāi khó-ò·ⁿ ê mih. ³²Kiāⁿ-pháiⁿ poē-iok-ê, i beh ēng thiám-mī ê oē ín-iú in; tók-tók bat in ê Siōng-tè ê peh-siⁿ beh ióng-kám kiāⁿ tãi-chì. ³³Peh-siⁿ-tióng tì-hūi ê lāng beh kà-sī choē-choē lāng; chóng-sī in choē-choē jít beh tui to-kiām, hé-sio, hō· lāng liáh, hō· lāng chhiúⁿ, lāi sit-pāi. ³⁴In sit-pāi ê sī beh lióh-lióh-á tit-tiòh hū-chō·; iā ū choē-choē lāng beh ēng thiám-mī kap in liān-lók. ³⁵Tì-hūi ê lāng ê tióng-kan ū-ê beh sit-pāi, lāi thoàn-liān in, hō· in chheng-khì, hō· in pēh-pēh, tít-kàu lō·-bé ê jít; in-ūi kàu tiāⁿ-tiòh ê kī, kiát-kiók chiū kàu. ³⁶Hit ê ông beh chhut-chāi ì-sù lāi kiāⁿ, beh chū-ko chū-toā poāⁿ-kè it-chhè ê siōng-tè, koh ēng kī-īⁿ ê oē kong-kek chiaⁿ ê siōng-tè ê Siōng-tè; i beh heng-thong kàu toā siū-khì bēng-pék; in-ūi só· tiāⁿ-tiòh ê sū tek-khak chiāⁿ. ³⁷I bô beh iàu-kín i ê liát-chó· ê siōng-tè, í-kiap hū-lú só· him-bō--ê, bô-lūn sím-mih siōng-tè i bô iàu-kín; in-ūi i beh chū-toā poāⁿ-kè it-chhè. ³⁸I beh tī i ê ūi keng-pài oē-só· ê siōng-tè; koh i ê liát-chó· só· m̄-bat ê siōng-tè, i beh ēng kim, gūn, gèk-chiòh, pó-mih lāi keng i. ³⁹I beh óa-khò pát-hō ê siōng-tè lāi siat-hoat kian-kò· ê oē-só·; hoān-nā sêng-jīn-i-ê, i beh chiong êng-keng hō· in, iā beh hō· in koán-hat choē-choē lāng, koh beh pun thô·-toē pò-siúⁿ in. ⁴⁰Kàu lō·-bé ê sī, lâm-hng ê ông beh chhiok-hoān i; pak-hng ê ông beh kong-kek i chhin-chhiūⁿ kúg-lê-hong, ēng chia, ēng bé-peng, ēng choē-choē chūn-chiaⁿ; iā beh chìn-jíp hiah ê kok, chhin-chhiūⁿ hoàn-lām ê chúi keng-kè. ⁴¹Koh beh chìn-jíp êng-iāu ê toē, choē-choē kok hō· i chia-tó; tók-tók Í-tong, Mô·-ap, kap A-bún kiáⁿ-sun chun-kui ê lāng oē thoat-lī i ê chhiú. ⁴²I beh chhun-chhiú kong-kek liát-kok; Ai-kiap

toē iā bô tit-tiòh thoat-lī. ⁴³I beh chiáng-koán Ai-kiap kim-gūn ê chāi-pó í-kiap it-chhè ê pó-mih; Lū-pí-a kap Kó·-sit lāng lóng beh kun-tè i. ⁴⁴Tui-tang tui-pak beh ū siau-sit kàu lāi jiáu-loān i; i beh toā siū-khì chhut-khì, it-chhin tui-biát choē-choē lāng. ⁴⁵I beh tī hái kap êng-iāu ê sêng-soaⁿ ê tióng-kan tah i kiong-tiān ê pò·-pīⁿ; chóng-sī i beh kàu i ê kiát-kiók, iā bô pang-chān i ê.

12 Hit-sī pó-hō· lí ê peh-siⁿ ê toā jīn-kun, Bí-ka-lék, beh khiā--khí-lāi; beh ū toā khùn-khó· ê sī, tui khai-kok í-lāi kàu hit-sī bē-bat ū án-ni; hit-sī lí ê peh-siⁿ beh tit-tiòh chín-kiù, chiū-sī kìⁿ-nā kì tī chheh--nih ê. ²Khùn tī thô·-hún-tiòng-ê, beh ū choē-choē lāng koh chhiⁿ, ū-ê tit-tiòh éng-oáh, ū ê siū kiàn-siàu iām-ò·ⁿ kàu éng-oán. ³Tì-hūi ê lāng beh hoat-chhut kng chhin-chhiūⁿ thiⁿ ê kng; hiah ê hō· choē-choē lāng kui tī gī ê, beh chhin-chhiūⁿ kng-chhiⁿ tít-kàu éng-oán. ⁴Tān-í-lí ah, lí tiòh ún-khng chiaⁿ ê oē, hong-bat chit pún chheh kàu lō·-bé ê sī; beh ū choē-choē lāng chāu-lāi chāu-khì, koh kiàn-sek beh ke-thiⁿ.

⁵Goá Tān-í-lí teh khoàⁿ, khoàⁿ ah, lēng-goā ū nng-ê khiā-teh, chit-ê tī hô chit-pēng-hoāⁿ, iā chit-ê tī hô hit-pēng-hoāⁿ. ⁶Ū chit-ê ká hit ê khiā tī hô-chúi ê téng-bīn, chhēng iù-toē-saⁿ ê lāng kóng, Chiaⁿ ê kī-sū ê kiát-kiók beh kàu joā-kú ah? ⁷Goá thiaⁿ-kìⁿ hit ê khiā tī hô-chúi ê téng-bīn, chhēng iù-toē-saⁿ ê lāng, kiáh-khí i ê chiāⁿ-chhiú tò-chhiú ng-thiⁿ, kí éng-oáh ê Chú lāi chiù-choā, kóng, beh kàu chit ê sī-kī, nng ê sī-kī, koh poāⁿ-sī-kī; phò-hoāi sêng ê peh-siⁿ ê koán-lék ê sī, chiaⁿ ê it-chhè ê sū lóng beh choè-oān. ⁸Goá thiaⁿ-kìⁿ iā bô bēng-pék, chiū kóng, Goá ê chú ah, chiaⁿ ê sū ê kiát-kiók sī cháiⁿ-iūⁿ? ⁹I kóng, Tān-í-lí ah, lí choè lí khì; in-ūi chiaⁿ

ê oē í-keng ún-khng hong-bát, kàu tī lō·-bé ê sī. ¹⁰Beh ū choē-choē lāng ka-kī chheng-khì kàu pēh-pēh, koh siū thoàn-liān; chóng-sī pháiⁿ-lāng iū-goân beh kiāⁿ pháiⁿ; it-chhè pháiⁿ-lāng boē bēng-pék, tók-tók tì-hūi ê lāng oē bēng-pék. ¹¹Tùi tū-khì jīt-jīt só· hiàn ê chē-sū, iā khiā hit ê chân-hāi khó·òⁿ ê mih ê sī, beh ū chit-chheng nng-pah kàu-cháp jīt. ¹²Kìⁿ-nā theng-hāu koh kàu chit-chheng saⁿ-pah saⁿ-cháp-gō· jīt ê, hit ê lāng ū hok-khì. ¹³Chóng-sī lí tiōh khì kàu lō·-bé ê sī; in-ūi lí beh an-hioh, kàu lō·-bé ê sī lí beh khiā tī lí ê tē-ūi.